

# প্রথম অধ্যায় কোষ ও এর গঠন

## CELL AND ITS STRUCTURE

প্রধান শব্দসমূহ : কোষ,  
ক্রোমোসোম, DNA, RNA,  
জিন, ট্রান্সক্রিপশন।

মাধ্যমিক পর্যায়ে উদ্ভিদ ও প্রাণিকোষ, কোষের গঠন এবং বিভিন্ন অঙ্গাণুর গঠন ও কাজ সম্বন্ধে তোমরা পড়বে। এ অধ্যায়ে বিশেষ করে উদ্ভিদকোষের বিভিন্ন অঙ্গাণুসমূহের অবস্থান, গঠন ও কাজ সম্বন্ধে আরও বিস্তারিত জানতে পারবে।

এ অধ্যায় পাঠ শেষে শিক্ষার্থীরা—

১. কোষ প্রাচীর ও প্রাজমায়েমব্রেন এর অবস্থান, রাসায়নিক গঠন ও কাজ বর্ণনা করতে পারবে।
২. সাইটোপ্রাজমের রাসায়নিক প্রকৃতি এবং বিপাকীয় ভূমিকা বর্ণনা করতে পারবে।
৩. রাইবোসোম, গলগিবস্তু, লাইসোজোম, সেন্ট্রিয়োল-এর অবস্থান, গঠন ও কাজ বর্ণনা করতে পারবে।
৪. গঠন ও কাজের ভিত্তিতে মসৃণ ও অমসৃণ এন্ডোপ্রাজমিক রেটিকুলাম এর মধ্যে পার্থক্য করতে পারবে।
৫. মাইটোকন্ড্রিয়নের বহিঃগঠন ও অন্তঃগঠনের সাথে এর কাজের আন্তঃসম্পর্ক ব্যাখ্যা করতে পারবে।
৬. ক্লোরোপ্লাস্টের বহিঃগঠন ও অন্তঃগঠনের সাথে এর কাজের আন্তঃসম্পর্ক ব্যাখ্যা করতে পারবে।
৭. নিউক্লিয়াসের গঠন ও কাজ ব্যাখ্যা করতে পারবে।
৮. নিউক্লিওপ্রাজম ও সাইটোপ্রাজমের রাসায়নিক গঠনের মধ্যে তুলনা করতে পারবে।
৯. কোষের বিভিন্ন অঙ্গাণুর চিত্র অঙ্কন করে চিহ্নিত করতে পারবে।
১০. জীবের বিভিন্ন কার্যক্রমে কোষের অবদান উপলব্ধি করতে পারবে।
১১. ক্রোমোসোমের গঠন ও এর রাসায়নিক উপাদান বর্ণনা করতে পারবে।
১২. কোষ বিভাজনে ক্রোমোসোমের ভূমিকা বিশ্লেষণ করতে পারবে।
১৩. ডিএনএ ও আরএনএ গঠন ও কাজ ব্যাখ্যা করতে পারবে।
১৪. আরএনএ এর প্রকারভেদ ব্যাখ্যা করতে পারবে।
১৫. ডিএনএ রিপ্লিকেশনের প্রক্রিয়া ব্যাখ্যা করতে পারবে।
১৬. ট্রান্সক্রিপশনের কৌশল ব্যাখ্যা করতে পারবে।
১৭. ট্রান্সলেশন ব্যাখ্যা করতে পারবে।
১৮. জিন ও জেনেটিক কোড বর্ণনা করতে পারবে।
১৯. বংশগতীয় বস্তু হিসেবে ডিএনএ এর অবদান উপলব্ধি করতে পারবে।

**Cell (সেল) নামকরণ :** Robert Hooke (1635-1703) ১৬৬৫ সালে রয়েল সোসাইটি অব লন্ডন এর যন্ত্রপাতির রক্ষক নিযুক্ত হয়েই ভাবলেন আগামী সাপ্তাহিক সভায় উপস্থিত বিজ্ঞ বিজ্ঞানীদের সামনে একটা ভালো কিছু উপস্থাপন করতে হবে। তিনি ভাবলেন অপূর্বীক্ষণ যন্ত্রের মাধ্যমে একটা কিছু করা যায় কিনা। তিনি দেখলেন কাঠের ছিপি (cork) দেখতে নিরেট (solid) অথচ পানিতে ভাসে, এর কারণ কী? তিনি ছিপির একটি পাতলা সেকশন করে অপূর্বীক্ষণ যন্ত্রে পর্যবেক্ষণ করলেন। তিনি সেখানে মৌমাছির চাকের ন্যায় অসংখ্য ছোট ছোট কুঁচুরী বা প্রকোষ্ঠ (little boxes) দেখতে পেলেন। তখন তাঁর মনে পড়লো আশ্রমে সন্ন্যাসীদের বা পাদ্রিদের থাকার জন্য এমন ছোট ছোট Cell (প্রকোষ্ঠ) তিনি দেখেছেন। এ থেকেই ছিপির little box গুলোকে তিনি নাম দেন Cell বা প্রকোষ্ঠ। ল্যাটিন Cellula শব্দের অর্থ ক্ষুদ্র প্রকোষ্ঠ বা কুঁচুরী। তিনি তাঁর পর্যবেক্ষণ **Micrographia** গ্রন্থে প্রকাশ করেন। জেলখানায় কয়েকদিনের জন্য নির্মিত ছোট ছোট প্রকোষ্ঠকেও সেল বলা হয়। অধিকাংশ কোষই আপূর্বীক্ষণিক, খালি চোখে দেখা যায় না। তবে এর কিছুটা ব্যতিক্রমও লক্ষ করা যায়। পাখির ডিম একটিমাত্র কোষ দিয়ে গঠিত। হাঁস-মুরগির ডিম খালি চোখেই দেখা যায়। উটপাখির ডিম সবচেয়ে বড় (17 × 12.5 cm)। তুলা বা পাটের আঁশ, তালগাছের আঁশ বেশ লম্বা, খালি চোখে দেখা যায়। মানুষের নিউরন কোষ প্রায় 1.37 মিটার লম্বা। Cell-এর বাংলা প্রতিশব্দ করা হয়েছে কোষ বা জীবকোষ। Cell অর্থ ক্ষুদ্র প্রকোষ্ঠ। রবার্ট হুক প্রকৃতপক্ষে মৃত কোষ তথা প্রকোষ্ঠই দেখেছিলেন। পরে ডাচ বিজ্ঞানী অ্যান্টনি ভ্যান লিউয়েনহুক

চিত্র শিক্ষার্থীবৃন্দ, লক্ষ্য কর একটা ভালো কিছু করার ইচ্ছা ও চেষ্টা থেকেই কিছু সৃষ্টি করা সম্ভব।

(Antony Van Leeuwenhoek) প্রথম ১৬৭৪ সালে কোষ প্রাচীর ছাড়াও ভেতরে পূর্ণাঙ্গ কোষীয় দ্রব্যসহ জীবিত কোষ পর্যবেক্ষণ করেন। বিভিন্ন সময়ে বিভিন্ন বিজ্ঞানী কোষের বিভিন্ন সংজ্ঞা প্রদান করেছেন।

✦ Jean Brachet (1961) এর মতে- 'কোষ হলো জীবের গঠনগত মৌলিক একক।'

✦ Loewy Siekevitz (1963) এর মতে- 'কোষ হলো জৈবিক ক্রিয়াকলাপের একক যা একটি অর্ধভেদ্য ক্রিষ্টি পরিবেষ্টিত থাকে এবং যা অন্য কোনো সজীব মাধ্যম ছাড়াই আহা-জননে সক্ষম।'

✦ De Roberties (1979) এর মতে- 'কোষ হলো জীবের মৌলিক গঠনগত ও কার্যগত একক।'

### সেল (Cell) তথা কোষের বৈশিষ্ট্য

- ১। জীবনের জন্য প্রয়োজনীয় সকল গাঠনিক ও আণবিক উপাদান কোষে থাকে।
- ২। প্রয়োজনীয় কাঁচামাল ভেতরে গ্রহণ করতে পারে।
- ৩। কাঁচামাল ব্যবহার করে প্রয়োজনীয় শক্তি সংগ্রহ করতে পারে এবং নিজের প্রয়োজনীয় অণুতলোকে সংরক্ষণ করতে পারে।
- ৪। সুনিয়ন্ত্রিতভাবে বেড়ে উঠতে পারে।
- ৫। চারপাশের যে কোনো উত্তেজনার প্রতি সাড়া দিতে পারে।
- ৬। একটি Homeostatic অবস্থা (অর্থাৎ পরিবেশের অবস্থার তারতম্যের মাঝেও অত্যন্তরীণ স্থিতি অবস্থা) বজায় রাখতে পারে।
- ৭। কাল পরিক্রমায় অভিযোজিত হতে পারে।

প্রতিটি জীবদেহ এক (এককোষী জীব) বা একাধিক (বহুকোষী জীব) কোষ দিয়ে গঠিত হয় অর্থাৎ কোষই জীবদেহের

গঠন একক। আবার কোষের ভেতরই জীবের জীবনধারণের জন্য প্রয়োজনীয় জৈবিক কার্যকলাপ সম্পন্ন হয়। অর্থাৎ জীবদেহের গঠন ও কাজের একককে কোষ বলে।

### কোষীয় অঙ্গাণু (Cell organelles):

কোষের সাইটোপ্লাজমে বিদ্যমান জীবন্ত, কার্যসম্পাদনকারী ও কোষের জীবনধারণের জন্য অপরিহার্য ক্ষুদ্রাঙ্গসমূহকে কোষীয় অঙ্গাণু বলে; যেমন-মাইটোকন্ড্রিয়া, এন্ডোপ্লাজমিক রেটিকুলাম, রাইবোসোম ইত্যাদি। অঙ্গাণু অর্থ ক্ষুদ্র অঙ্গ (organelles)।

এখানে ইলেক্ট্রন অণুবীক্ষণে দৃষ্ট একটি প্রাণিকোষের লম্বচ্ছেদের চিত্র দেয়া হলো। চিত্রটি ভালোভাবে লক্ষ্য কর এবং পূর্বে আহরিত জ্ঞানের আলোকে পুনরায় এর গঠন ও বিভিন্ন অঙ্গাণুর অবস্থান ও বাহ্যিক গঠন মিলিয়ে নাও। এমং পৃষ্ঠায় দেয়া উদ্ভিদকোষের চিত্রটির সাথে মিলিয়ে এদের মধ্যকার পার্থক্য লিপিবদ্ধ কর।



চিত্র ১.১ : একটি প্রাণিকোষ (ইলেক্ট্রন অণুবীক্ষণে দৃষ্ট)।

কোষবিদ্যা (Cytology) : জীববিদ্যার যে শাখায় কোষ সম্পর্কে আলোচনা করা হয় অর্থাৎ কোষের প্রকার, অঙ্গাণু, স্তৌভ ও রাসায়নিক গঠন, বিভাজন, বিকাশ, জৈবিক কার্যাবলি, বৃদ্ধি ইত্যাদি সম্পর্কে আলোচনা করা হয় তাকে কোষবিদ্যা বা সাইটোলজি (Cytology) বলে। সাইটোলজি শব্দটি দুটি গ্রিক শব্দের Kytos (= cell, ফাঁপা) এবং logos (= discourse, আলোচনা) সমন্বয়ে গঠিত। Robert Hooke (1635-1703) কে কোষবিদ্যার জনক বলা হয়। তবে আধুনিক কোষবিদ্যার জনক হলো Carl P. Swanson (1911-1996)।

কোষতত্ত্ব (Cell Theory) : কোষ সম্পর্কে বিভিন্ন তথ্য জানার পর ১৮৩৮-১৮৩৯ সালে জার্মান উদ্ভিদবিজ্ঞানী শ্লেইডেন (Mathias Jakob Schleiden) ও প্রাণিবিজ্ঞানী থিওডোর সোয়ান (Theodor Schwann) এবং পরে ১৮৫৫ সালে ভার্ট্‌হু (Rudolf. Virchow) 'কোষতত্ত্ব' প্রদান করেন, যাতে বলা হয়—

১. কোষ হলো জীবন্ত সত্তার গাঠনিক, শারীরবৃত্তীয় ও সাংগঠনিক একক।
২. কোষ হলো জীবনের মৌলিক একক।
৩. কোষ বংশগতির একক।
৪. সর্বপ্রকার জীবই এক বা একাধিক কোষ দ্বারা গঠিত এবং পূর্বসৃষ্ট কোষ থেকেই নতুন কোষের সৃষ্টি হয়।

কোষের প্রকারভেদ (Kinds of Cell) :

(১) শারীরবৃত্তীয় কাজের ভিত্তিতে কোষকে দু'ভাগে ভাগ করা যায়; যথা-

(ক) দেহকোষ (Somatic Cell) : জীবদেহের অঙ্গ ও অঙ্গতন্ত্র গঠনকারী কোষকে দেহকোষ বলে। উচ্চ শ্রেণির জীবের দেহকোষে সাধারণত ডিপ্লয়েড সংখ্যক ক্রোমোসোম থাকে। মূল, কাণ্ড ও পাতার কোষ, স্নায়ু কোষ, রক্তকণিকা ইত্যাদি দেহকোষের উদাহরণ।

(খ) জননকোষ বা গ্যামিট (Reproductive Cell or Gamete) : যৌন প্রজননের জন্য ডিপ্লয়েড জীবের জননাসে মায়োসিস প্রক্রিয়ায় উৎপন্ন হ্যাপ্রয়েড কোষকে জননকোষ বলে। শুক্রাণু ও ডিম্বাণু জননকোষের উদাহরণ। জননকোষ বা গ্যামিট সর্বদাই হ্যাপ্রয়েড।

(২) নিউক্লিয়াসের গঠনের উপর ভিত্তি করে কোষকে দু'ভাগে ভাগ করা যায়; যথা-

(ক) আদিকেন্দ্রিক কোষ বা আদি কোষ (Prokaryotic Cell) : যে কোষে কোনো আবরণীবেষ্টিত নিউক্লিয়াস, এমনকি আবরণীবেষ্টিত (membrane-bound) অন্যকোনো অঙ্গাণুও (organelles) থাকে না তা হলো আদি কোষ। আদি কোষে নন-হিস্টোন প্রোটিনযুক্ত একটি মাত্র বৃত্তাকার DNA থাকে যা সাইটোপ্রাজমে মুক্তভাবে অবস্থান করে। আদিকোষে বৃত্তাকার DNA যা মুক্তভাবে ছড়ানো থাকে তাকে নিউক্লিওয়েড (Nucleoid) বলে। এদের রাইবোসোম 70S আদি কোষে বিভাজন বা অ্যামাইটোসিস প্রক্রিয়ায় বিভাজিত হয়। আদি কোষ দ্বারা গঠিত জীব হলো আদিকোষী জীব (Prokaryotes)। উদাহরণ-সাইকোপ্রাজমা, ব্যাকটেরিয়া (*Escherichia coli* ও সায়ানোব্যাকটেরিয়া (BGA = Blue Green Algae)। মনেরা রাজ্যের সব জীবই আদিকোষী। [গ্রিক Pro = before, এবং karyon = nut, nucleus অর্থাৎ নিউক্লিয়াস সংগঠনের আগের অবস্থা] আদিকোষে অর্ধাঙ্গ শ্বসন ঘটে। অধিকাংশ ক্ষেত্রে শোষণ পদ্ধতিতে পুষ্টি ঘটে। কতক ক্ষেত্রে সালাোকসংশ্লেষণ ঘটে।

কাজ : উদ্ভিদকোষ ও প্রাণিকোষের পোস্টার তৈরি।

উপকরণ : পোস্টার পেপার, পেন্সিল, রং পেন্সিল, ইরেজার, উদ্ভিদ ও প্রাণিকোষের চিত্র।

কার্যপদ্ধতি : বড় পোস্টার পেপার নিতে হবে। পেপারে লম্বভাবে পাশাপাশি দু'টি কোষের জন্য স্থান নির্ধারণ করতে হবে। প্রথমে পেন্সিল দিয়ে হালকাভাবে চিত্র দু'টি ঠাঁকে নিতে হবে, প্রয়োজনে ইরেজার দিয়ে মুছে আবার আঁকতে হবে। আঁকা হুড়ান্ড হলে রং পেন্সিল ব্যবহার করতে হবে। প্রতিটি অংশে চিহ্নিত করে প্রেক্ষিক উপস্থাপন করতে হবে। হুড়ান্ডকরণের আগে অবশ্যই শিক্ষককে দেখিয়ে নিতে হবে।

(খ) প্রকৃতকেন্দ্রিক কোষ বা প্রকৃত কোষ (Eukaryotic Cell) : যে কোষে আবরণীবেষ্টিত নিউক্লিয়াস থাকে তা হলো প্রকৃত কোষ। প্রকৃত কোষে নিউক্লিয়াস ছাড়াও আবরণীবেষ্টিত অন্যান্য অঙ্গাণু (যেমন- মাইটোকন্ড্রিয়া, ক্লোরোপ্লাস্ট, গলগি বস্তু, লাইসোসোম প্রভৃতি) থাকে। দুই স্তরবিশিষ্ট একটি আবরণী (নিউক্লিয়ার এনভেলপ) দ্বারা পরিবেষ্টিত অবস্থায় নিউক্লিয়োপ্রাজম, নিউক্লিয়োলাস এবং একাধিক ক্রোমোসোম নিয়ে নিউক্লিয়াস গঠিত। প্রকৃত কোষের ক্রোমোসোম লম্বা (বৃত্তাকার নয়), দুই প্রান্তবিশিষ্ট এবং DNA ও হিস্টোন-প্রোটিন সমন্বয়ে গঠিত। এদের রাইবোসোম 80S, DNA সুত্রাকার এবং একাধিক ক্রোমোসোমে অবস্থিত; কোষ বিভাজন মাইটোসিস ও মায়োসিস প্রকৃতির। Eukaryotic শব্দটি গ্রিক শব্দ থেকে নেয়া হয়েছে, যার অর্থ গ্রিক  $eu = \text{good}$ ; এবং  $karyon = \text{nucleus}$  অর্থাৎ সুগঠিত নিউক্লিয়াসযুক্ত কোষ। জড় কোষপ্রাচীর বিশিষ্ট প্রকৃত কোষই প্রকৃত উদ্ভিদকোষ। শৈবাল, ছত্রাক, ব্রায়োফাইটস, টেরিডোফাইটস, জিমনোস্পার্মস এবং অ্যানজিওস্পার্মস ইত্যাদি সব উদ্ভিদই প্রকৃত কোষ দিয়ে গঠিত এবং সকল প্রাণিকোষ প্রকৃত কোষ। প্রকৃত কোষ দ্বারা গঠিত জীব হলো প্রকৃতকোষী জীব (Eukaryotes), প্রকৃত কোষে স্বাভাবিক স্বসন ঘটে। শোষণ, আন্তিকরণ ও সালোকসংশ্লেষণ পদ্ধতিতে পুষ্ট ঘটে।


কাজ : শিক্ষক, শিক্ষার্থীদেরকে কমপক্ষে দু'টি দলে ভাগ করে দিবেন। শিক্ষার্থীগণ আদি কোষ ও প্রকৃত কোষের পার্থক্য পাশাপাশি ছকে লিখবেন। দুই দলের তৈরিকৃত ছকের ওপর ভিত্তি করে শেষ দশ মিনিট শিক্ষক একটি চূড়ান্ত ছক তৈরি করে দিবেন। ছক তৈরিকালে কোষের নিউক্লিয়ার বৈশিষ্ট্য, রাইবোসোম, অন্যান্য অঙ্গাণু, DNA, কোষবিভাজন ইত্যাদি বিষয়ের প্রতি লক্ষ রাখতে হবে।

### কোষ পরিমাপের বিভিন্ন একক

অধিকাংশ উদ্ভিদ কোষ খালি চোখে দেখা যায় না। এদের দেখার জন্য বিভিন্ন ধরনের অণুবীক্ষণ যন্ত্র ব্যবহার করা হয়। সাধারণত কোষ এবং কোষের উপাংশগুলোর পরিমাপের জন্য যে এককটি ব্যবহার করা হয় তা হলো  $\mu\text{m}$  (মাইক্রোমিটার) বা  $\mu$  (মাইক্রন) এবং  $\text{nm}$  (ন্যানোমিটার)। নিম্নে কোষ পরিমাপের জন্য ব্যবহৃত বিভিন্ন একক ও এদের ব্যবহার দেয়া হলো।

একক	সংকেত	মান	ব্যবহার
১। সেন্টিমিটার	1 cm	= 0.4 inch	খালি চোখে দেখা যায় (যেমন জিম) এমন কোষ।
২। মিলিমিটার	1 mm	= 0.1 cm	খালি চোখে দৃশ্যমান, তবে অণুবীক্ষণ যন্ত্রে পরিষ্কারভাবে দেখা যায় এমন কোষ।
৩। মাইক্রোমিটার বা মাইক্রন	1 $\mu\text{m}$ / 1 $\mu$	= 0.001 mm	আলোক অণুবীক্ষণ যন্ত্রে দেখা যায় তেমন বেশির ভাগ কোষ ও উপাংশসমূহ।
৪। ন্যানোমিটার	1 nm	= 0.001 $\mu\text{m}$	ইলেকট্রন অণুবীক্ষণ যন্ত্রে দেখা যায় এমন কোষ উপাংশসমূহ।
৫। অ্যাংস্ট্রম	1 $\text{Å}$	= 0.1 nm	ইলেকট্রন অণুবীক্ষণ যন্ত্রে এক্সরে প্রক্রিয়ায় দেখা যায় এমন কোষ উপাংশসমূহ।

কোষের আয়তন : কোষের কোনো সুনির্দিষ্ট আয়তন নেই। অধিকাংশ কোষই আণুবীক্ষণিক। সবচেয়ে ছোট কোষ হলো- Mycoplasma যার অপর নাম PPLO (Pleuro Pneumonia Like Organism) এবং বড় কোষ হলো উটপাখির ডিম ( $17 \times 12.5 \text{ cm}$ )। মানবদেহের সবচেয়ে লম্বা কোষ হলো- মটর নিউরন যা প্রায় 1.37 মিটার লম্বা এবং স্পাইনাল



### ১.১ কোষ প্রাচীর (Cell Wall)

প্রতিটি উদ্ভিদকোষ একটি অপেক্ষাকৃত শক্ত জড় আবরণ দিয়ে আবৃত থাকে। এ জড় ও শক্ত আবরণকে কোষ প্রাচীর বলে। রবার্ট হুক ১৬৬৫ সালে অণুবীক্ষণ যন্ত্রে যে কোষ দেখেছিলেন তা ছিল মূলত কোষ প্রাচীর। কোষ প্রাচীর উদ্ভিদকোষের অনন্য বৈশিষ্ট্য। উদ্ভিদ কোষে মধ্য পর্দা এবং কোষঝিল্লির মাঝখানে জড় কোষ প্রাচীরের অবস্থান। ইত্যাকের কোষ প্রাচীর আছে। এক কোষী উদ্ভিদ বা ব্ল্যাকটেরিয়াতে কোষঝিল্লির বাইরে জড় প্রাচীরের অবস্থান।

**ভৌত গঠন :** একটি বিকশিত কোষ প্রাচীরকে প্রধানত তিনটি ভিন্ন স্তরে (layers) বিভক্ত দেখা যায়। এর প্রথমটি হলো মধ্যপর্দা (middle lamella)। মাইটোটিক কোষ বিভাজনের টেলোফেজ (telophase) পর্যায়ে এর সূচনা ঘটে। সাইটোপ্রাজম থেকে আসা ফ্র্যাগমোপ্লাস্ট (phragmoplast) এবং গলগি বডি থেকে আসা পেকটিন জাতীয় ভেসিকলস্ (vesicles or droplets) মিলিতভাবে মধ্যপর্দা সৃষ্টি করে পেকটিনিক অ্যাসিড বেশি থাকার কারণে এটি প্রথম দিকে জেলির মতো থাকে। কোষ প্রাচীরের যে স্তরটি দুটি পাশাপাশি কোষের মধ্যবর্তী সাধারণ পর্দা হিসেবে অবস্থান করে তার নাম মধ্যপর্দা। এটি বিগলিত হয়ে গেলে দুটি কোষ গৃথক হয়ে যায়। দ্বিতীয় স্তরটি হলো প্রাথমিক প্রাচীর (primary wall)। মধ্যপর্দার ওপর সেলুলোজ (cellulose), হেমিসেলুলোজ (hemicellulose) এবং গ্লাইকোপ্রোটিন (glycoprotein) ইত্যাদি জমা হয়ে একটি পাতলা স্তর (১-৩  $\mu\text{m}$  পুরু) তৈরি করে। এটি প্রাথমিক প্রাচীর। মধ্যপর্দার অন্তর্ভুক্ত এটি তৈরি হয়। কোনো কোনো কোষে (যেমন- ট্র্যাকিত, ফাইবার ইত্যাদি) প্রাথমিক প্রাচীরের ওপর আর একটি স্তর তৈরি হয়। এটি সাধারণত কোষের বৃদ্ধি পূর্ণ হবার পর ঘটে থাকে। এ স্তরটি অধিকতর পুরু (২-১০  $\mu\text{m}$ )। এতে সাধারণত সেলুলোজ এবং লিগনিন জমা হয়। এটি সেকেন্ডারি প্রাচীর (secondary wall) বা তৃতীয় স্তর। উচ্চতর কোষ এবং অধিক মাত্রায় বিপাকীয় অন্যান্য কোষে সেকেন্ডারি প্রাচীর তৈরি হয় না। সেকেন্ডারি প্রাচীর তিন স্তরবিশিষ্ট হয়।



চিত্র ১.৩ : কোষ প্রাচীরের গঠন।

কূপ এলাকা (Pit fields) : এটি হলো প্রাচীরের সবচেয়ে পাতলা (thin) এলাকা। দুটি পাশাপাশি কোষের কূপও একটি অপরাটির উল্টোদিকে মুখোমুখি অবস্থিত এবং কূপ দুটির মাঝখানে কেবল মধ্যপর্দা থাকে। মধ্যপর্দাকে পিট মেমব্রেন বলে। মুখোমুখি দুটি কূপকে পিট পেয়ার (pit pair) বলে। আসলে কূপ অঞ্চলে প্রাথমিক প্রাচীর গঠিত হয় না। সেকেন্ডারি প্রাচীর তৈরি হলে কূপ পাড়হীন অথবা পাড়যুক্ত (bordered pit) হতে পারে। দুটি পাশাপাশি কোষের প্রাচীরের সূক্ষ ছিদ্র পথে নলাকার সাইটোপ্রাজমিক সংযোগ স্থাপিত হয়। একে প্রাজমোডেসমাটা (একবচন : প্রাজমোডেসমা) বলে।

রাসায়নিক গঠন : মধ্যপর্দায় অধিক পরিমাণে থাকে পেকটিক অ্যাসিড। এ ছাড়া অম্লবণীয় ক্যালসিয়াম পেকটেট এবং ম্যাগনেসিয়াম পেকটেট লবণ থাকে- যাকে পেকটিন বলা হয়। এ ছাড়াও অল্প পরিমাণে থাকে গ্লোটোপেকটিন। প্রাথমিক প্রাচীরে থাকে প্রধানত সেলুলোজ, হেমিসেলুলোজ এবং গ্লাইকোপ্রোটিন। হেমিসেলুলোজ-এ xylans, arabans, galactans ইত্যাদি বিভিন্ন ধরনের পলিস্যাকারাইডস থাকে। গ্লাইকোপ্রোটিনে কার্বোহাইড্রেট, প্রোটিন এবং অন্যান্য পদার্থ থাকে। Xyloglucan নামক হেমিসেলুলোজ প্রাচীর গঠনে ক্রসলিংক (cross-link) হিসেবে কাজ করে। অনেক সেকেন্ডারি প্রাচীরে লিগনিন (lignin) থাকে। কোনো কোনো প্রাচীরে সুবেরিন (suberin), ওয়াক্স ইত্যাদি থাকে। ছত্রাকের প্রাচীর কাইটিন এবং ব্যাকটেরিয়ার প্রাচীর লিপিড-প্রোটিন পলিমার দিয়ে গঠিত। সাধারণত কোষ প্রাচীরে 40% সেলুলোজ, 20% হেমিসেলুলোজ, 30% পেকটিন ও 10% গ্লাইকোপ্রোটিন বিদ্যমান।

সূক্ষ গঠন (Ultra-structure) : কোষ প্রাচীরের প্রধান উপাদান হলো সেলুলোজ। সেলুলোজ হলো একটি পলিস্যাকারাইড যা  $\beta$ -কার্বনবিশিষ্ট (B-1) গ্লুকোজের অসংখ্য অণু নিয়ে গঠিত। এক হাজার থেকে তিন হাজার সেলুলোজ অণু নিয়ে একটি সেলুলোজ চেইন গঠিত হয়। প্রায় একশ সেলুলোজ চেইন মিলিতভাবে একটি ক্রিস্টালাইন মাইসেলি (micelle) গঠন করে। মাইসেলিকে কোষ প্রাচীরের ক্ষুদ্রতম গাঠনিক একক ধরা হয়। প্রায় ২০টি মাইসেলি মিলে একটি মাইক্রোফাইব্রিল (microfibril) গঠন করে এবং ২৫০টি মাইক্রোফাইব্রিল মিলিতভাবে একটি ম্যাক্রোফাইব্রিল (macrofibril) গঠন করে। অনেকগুলো ম্যাক্রোফাইব্রিল মিলিতভাবে একটি তন্তু (ফাইবার) গঠন করে।

কোষ প্রাচীরের কাজ : (i) কোষের সুনির্দিষ্ট আকৃতি দান করা; (ii) বাইরের আঘাত হতে ভেতরের সজীব বস্তুকে রক্ষা করা; (iii) প্রয়োজনীয় শক্তি ও দৃঢ়তা প্রদান করা; (iv) পানি ও খনিজ লবণ শোষণ ও পরিবহনে সহায়তা করা এবং (v) এক কোষকে অন্য কোষ হতে পৃথক করা। প্রাণিকোষে কোষ প্রাচীর থাকে না।

### প্রোটোপ্লাস্ট (Protoplast)

কোষ প্রাচীর দ্বারা পরিবেষ্টিত সমুদয় পদার্থ একসাথে প্রোটোপ্লাস্ট নামে পরিচিত। উদ্ভিদকোষ, ব্যাকটেরিয়া ও ছত্রাকে জড় কোষ প্রাচীরের নিচেই প্রোটোপ্লাস্টের অবস্থান। প্রোটোপ্লাস্ট দু'ভাগে বিভক্ত। মধা- সজীব প্রোটোপ্লাজম ও নিস্জীব বস্তু বা অপ্রোটোপ্লাজমীয় উপাদান। নিম্নে এদের বর্ণনা দেয়া হলো।

প্রোটোপ্লাজম (Protoplasm) : কোষের অভ্যন্তরে স্বচ্ছ, আঠালো এবং জেলির ন্যায় অর্ধতরল, কলয়ডালধর্মী সজীব পদার্থকে প্রোটোপ্লাজম বলে। প্রোটোপ্লাজম শব্দটি ১৮৪০ সনে বিজ্ঞানী পার্কিনজে প্রথম ব্যবহার করেন। (Gk. proto=আদি, plasma = সংগঠন অর্থাৎ আদি বস্তু)। বিজ্ঞানী হাঙ্কলে-র মতে প্রোটোপ্লাজম হচ্ছে জীবনের ভৌত ভিত্তি। কারণ প্রোটোপ্লাজমই কোষের তথা দেহের সকল মৌলিক জৈবিক কার্যাদি সম্পন্ন করে থাকে। এ জন্যই প্রোটোপ্লাজমকে জীবনের ভৌত ভিত্তি হিসেবে চিহ্নিত করা হয়। এতে ৭০%-৯০% পানি থাকে। এ থেকেই বোঝা যায় কেন পানির অপসারণ জীবন।

প্রোটোপ্লাজমের ভৌত বৈশিষ্ট্য : (i) প্রোটোপ্লাজম অর্ধস্বচ্ছ, বর্ণহীন, জেলি সদৃশ অর্ধতরল আঠালো পদার্থ। (ii) এটি দানাদার ও কলয়ডালধর্মী। (iii) ইহা কোষস্থ পরিবেশ অনুযায়ী জেলি থেকে তরলে এবং তরল থেকে জেলিতে পরিবর্তিত হতে পারে। (iv) প্রোটোপ্লাজমের আপেক্ষিক চক্রস্থ পানি অপেক্ষা বেশি। (v) উদ্ভাপ, অ্যাসিড ও অ্যালকোহলের প্রভাবে প্রোটোপ্লাজম জমাট বাঁধে।

প্রোটোপ্লাজমের রাসায়নিক বৈশিষ্ট্য : রাসায়নিকভাবে প্রোটোপ্লাজমে জৈব এবং অজৈব পদার্থ আছে। এতে অর্ধ পরিমাণে আছে পানি। জৈব পদার্থের মধ্যে সবচেয়ে বেশি আছে বিভিন্ন ধরনের প্রোটিন, এরপর আছে কার্বোহাইড্রেট, লিপিড ও ভিটামিন। এছাড়াও আছে অক্সিজেন, হাইড্রোজেন, নাইট্রোজেন, কার্বন, কপার, জিঙ্ক, সোডিয়াম, পটাশিয়াম, ম্যাগনেসিয়াম, ক্যালসিয়াম, সালফার, আয়রন ইত্যাদি।

প্রোটোপ্লাজমের জৈবিক বৈশিষ্ট্য : প্রোটোপ্লাজম বিভিন্ন ধরনের উত্তেজনায় সাড়া দেয়। খাদ্য তৈরি, খাদ্য হজম, আকর্ষণ, শ্বসন, বৃদ্ধি, জন্ম ইত্যাদি সকল মেটাবলিক কার্যকলাপ প্রোটোপ্লাজম করে থাকে। প্রোটোপ্লাজমের জৈবিক বৈশিষ্ট্যই জীবের বৈশিষ্ট্য। অভিশ্রবণ প্রক্রিয়ায় প্রোটোপ্লাজম পানি গ্রহণ ও ত্যাগ করতে পারে। এদেরও মৃত্যু ঘটে।

প্রোটোপ্লাজমের চলন : প্রোটোপ্লাজম কখনো স্থির থাকে না। প্রোটোপ্লাজমের এ গতিময়তাকে চলন (movement) বলে। কোষ প্রাচীরযুক্ত ও কোষ প্রাচীরবিহীন প্রোটোপ্লাজমের চলনে ভিন্নতা দেখা যায়। কোষ প্রাচীরযুক্ত প্রোটোপ্লাজম জলশোষণের মতো যে চলন দেখা যায় তাকে আবর্তন বা সাইক্লোসিস (cyclosis) বলে। আবর্তন আবার দু'ধরনের হয় থাকে।

(i) একমুখী আবর্তন : যে চলনে প্রোটোপ্লাজম একটি গহ্বরকে কেন্দ্র করে কোষপ্রাচীরের পাশ দিয়ে নির্দিষ্ট পথে একদিকে ঘুরতে থাকে তাকে একমুখী আবর্তন (rotation) বলে। যেমন- পাতা কাঁড়ির কোষস্থ প্রোটোপ্লাজমের চলন।


(ii) বহুমুখী আবর্তন : যে চলনে প্রোটোপ্লাজম কতগুলো গহ্বরকে কেন্দ্র করে অনিয়মিতভাবে বিভিন্ন দিকে ঘুরতে থাকে তখন তাকে বহুমুখী আবর্তন (circulation) বলে। যেমন- *Tradescantia*-র কোষস্থ প্রোটোপ্লাজমের চলন।

প্রোটোপ্লাজমের প্রধান অংশসমূহ : প্রাজমামেমব্রেন বা কোষঝিল্লি, সাইটোপ্লাজম এবং নিউক্লিয়াস- এ তিনটি হলো প্রোটোপ্লাজমের প্রধান অংশ।


### ১.২ প্রাজমামেমব্রেন বা কোষঝিল্লি (Cell membrane)

কোষ প্রাচীরের ঠিক নিচে সমস্ত প্রোটোপ্লাজমকে ঘিরে একটি সজীব ঝিল্লি আছে। এ ঝিল্লিকে কোষঝিল্লি বলে। অন্যভাবে, প্রতিটি সজীব কোষের প্রোটোপ্লাজম যে সূক্ষ্ম, স্থিতিস্থাপক, বৈষম্যভেদ্য, লিপো-প্রোটিন দ্বারা গঠিত সজীব ঝিল্লি ঝিল্লি দিয়ে আবৃত থাকে, তাকে প্রাজমামেমব্রেন বা কোষঝিল্লি বলে। একে প্রাজমালেমা, সাইটোমেমব্রেন এসব নামেও অভিহিত করা হয়। কার্ল নাগেলি (Carl Nageli ও Cramer, 1855) সর্বপ্রথম এই ঝিল্লিকে প্রাজমামেমব্রেন নামকরণ করেন। তবে বর্তমানে অনেকেই একে বায়োমেমব্রেন (biomembrane) বলতে চান। J. Q. Plower (1931) প্রাজমালেমা শব্দটি ব্যবহার করেন। ঝিল্লিটি স্থানে স্থানে ভাঁজবিশিষ্ট হতে পারে। প্রতিটি ভাঁজকে মাইক্রোভিলাস (বহুবলে মাইক্রোভিলাই) বলে। কোষাভ্যন্তরে অধিক প্রবর্তিত মাইক্রোভিলাসকে বলা হয় পিনোসাইটিক ফোক। প্রাণিকোষে এসব ভালো দেখা যায়।

ভৌত গঠন (Physical Structure) : কোষঝিল্লির ভৌত গঠন ব্যাখ্যা করতে গিয়ে Danielli & Davson (1935) সর্বপ্রথম একটি সুনির্দিষ্ট মডেল প্রস্তাব করেন। এটি Sandwich মডেল নামে পরিচিত। তাঁদের মতে ঝিল্লিটি দ্বিতরবিশিষ্ট এবং প্রতি স্তরে প্রোটিন (monomolecular) এবং লিপিড (bimolecular) উপ-স্তর আছে। দ্বিতরবিশিষ্ট ঝিল্লির ওপর ও নিচে প্রোটিন স্তর এবং মাঝখানে লিপিড স্তর অবস্থিত।



চিত্র ১.৪ : Danielli & Davson প্রস্তাবিত কোষঝিল্লির গঠন।



চিত্র ১.৫ : ফসফোলিপিড বাইলেয়ার।

এছাড়াও প্রাজমামেমব্রেন বা কোষঝিল্লির গঠন সম্বন্ধে Benson's model (1966), Lenard & Singer's model (1966), Robertson এর Unit membrane hypothesis (1959), Singer & Nicolson (1972) এর Fluid-mosaic model ইত্যাদি মডেল প্রস্তাবিত হয়েছে।

**ইউনিট মেমব্রেন (Unit membrane) :** বিজ্ঞানী রবার্টসন ১৯৫৯ খ্রিস্টাব্দে প্রাজমামেমব্রেনের ইউনিট মেমব্রেন মতবাদ ব্যক্ত করেন। তাঁর মতে— সব বায়োলজিক্যাল মেমব্রেনের আণবিক গঠন একই প্রকার অর্থাৎ ফসফোলিপিড বাইলেয়ার দিয়ে গঠিত যার স্থানে স্থানে প্রোটিন ঘোষিত থাকে। স্থানে স্থানে ঘোষিত প্রোটিনসহ ফসফোলিপিড বাইলেয়ারকে কখনো কখনো ইউনিট মেমব্রেন বলা হয়।

### ফ্লুইড-মোজাইক মডেল (Fluid-mosaic model)

বিভিন্ন মডেলের মধ্যে সবচেয়ে গ্রহণীয় মডেল হলো ফ্লুইড-মোজাইক মডেল (S.J. Singer and G.L. Nicolson-1972)। প্রাজমামেমব্রেন এর গঠন সংক্রান্ত ব্যাখ্যান প্রসঙ্গে ১৯৭২ খ্রিস্টাব্দে এস. জে. সিঙ্গার এবং জি. এল. নিকলসন কর্তৃক প্রবর্তিত মডেলকে ফ্লুইড-মোজাইক মডেল বলে। এ মডেল অনুযায়ী কোষঝিল্লি ছিদ্রবিশিষ্ট প্রতিটি স্তর ফসফোলিপিড দিয়ে গঠিত (চিত্র ১.৬)। উভয় স্তরের হাইড্রোকার্বন লেজটি সামনাসামনি (মুখোমুখী) থাকে এবং পানিগ্রাহী (hydrophilic) মেরু অংশ বিপরীত দিকে থাকে। বিভিন্ন প্রোটিন অণুগুলো ফসফোলিপিড স্তরে এখানে সেখানে বিক্ষিপ্তভাবে থাকে। কার্বোহাইড্রেট এবং অন্যান্য উপাদানও ফসফোলিপিড মাধ্যমে এখানে সেখানে মিশে থাকতে পারে। লিপিড অণুর মধ্যে প্রোটিনের এরূপ বিন্যাসকে সিঙ্গার ও নিকলসন সমুদ্রতলে ভাসমান হিমশৈল (Iceberg) এর সঙ্গে তুলনা করেছেন। সদৃশগত কারণে এ মডেলকে আইসবার্গ মডেলও বলা হয়।

ফ্লুইড-মোজাইক মডেল অনুযায়ী কোষঝিল্লির গাঠনিক উপাদান নিম্নরূপ :

(ক) **ফসফোলিপিড বাইলেয়ার :** এটি দুই স্তরবিশিষ্ট এবং ফসফোলিপিড (অণু) দিয়ে তৈরি। প্রতিটি ফসফোলিপিডে এক অণু গ্লিসারল থাকে এবং গ্লিসারলের সাথে দুটি ননপোলার ফ্যাটি অ্যাসিড লেজ এবং একটি পোলার ফসফেট হেড থাকে। ফসফেট হেড ও ফ্যাটি অ্যাসিড লেজের মাঝে গ্লিসারল থাকে।



চিত্র ১.৬ : ফ্লুইড-মোজাইক মডেল অনুযায়ী কোষঝিল্লির গঠন।

(খ) **মেমব্রেন প্রোটিন :** কোষঝিল্লিতে তিন ধরনের প্রোটিন শনাক্ত করা হয়েছে। যেমন— (i) ইন্টিগ্রাল প্রোটিন-এগুলো ঝিল্লির উভয় সার্ফেস পর্যন্ত ব্যাপ্ত থাকে। (ii) পেরিফেরাল প্রোটিন-এগুলো ঝিল্লির সার্ফেসে থাকে এবং (iii) লিপিড সম্পৃক্ত প্রোটিন-এগুলো লিপিড কোর-এ সম্পৃক্ত থাকে। মেমব্রেনে অবস্থিত প্রোটিনই মেমব্রেন প্রোটিন।

(গ) **গ্রাইকোক্যালিস** : এটি ঝিল্লির ওপর একটি চিনির স্তর বিশেষ। ফসফোলিপিড অণুর সঙ্গে কার্বোহাইড্রেট যুক্ত হয়ে গ্রাইকোলিপিড ও প্রোটিন অণুর সাথে কার্বোহাইড্রেট শৃঙ্খল যুক্ত হয়ে গ্রাইকোপ্রোটিন গঠন করে। গ্রাইকোপ্রোটিন এবং গ্রাইকোলিপিডকে মিলিতভাবে **গ্রাইকোক্যালিস** বলা হয়। **কার্বোহাইড্রেট শৃঙ্খলগুলো সবসময় ঝিল্লির বাইরে অবস্থান করে।**

(ঘ) **কোলোস্টেরল** : এটি লিপিড জাতীয় পদার্থ। ফসফোলিপিড অণুর ফাঁকে ফাঁকে এগুলো অবস্থান করে। কোষের ঝিল্লিতে এটি অপেক্ষাকৃত বেশি থাকে। সেল সার্ফেস (cell surfaces)-এ ভেদ্যতা (permeability) ও এনজাইম কার্যকারিতা পরিবর্তনশীল হতে দেখা যায়। এতে বোঝা যায়, সার্ফেস এলাকা এবং এর উপাদান উভয়ই পরিবর্তনযোগ্য। ফ্লুইড-মোজাইক মডেল অনুযায়ী এসব পরিবর্তনশীলতা ঘটা সম্ভব। এ মডেল অনুযায়ী প্রোটিন এবং গঠন উপাদানসমূহ স্থির (fixed) ধরা হয় না, বরং মনে করা হয় এরা ফসফোলিপিডে ভেসে থাকে। ফলে বস্তুর একটি মোজাইক তৈরি হয়। প্রোটিনসমূহ আংশিক পানিগ্রাহী (hydrophilic-যখন ঝিল্লির সার্ফেস-এ থাকে) এবং আংশিক পানিরোধী (hydrophobic-যখন লিপিডের সাথে মিশ্রিত অবস্থায় থাকে) হতে পারে। এ মডেল কোষঝিল্লির কার্বোহাইড্রেট এবং প্রোটিন হতে উৎপন্ন অন্যান্য দ্রব্যাদির (protein derivatives) উপস্থিতি সমর্থন করে। কতিপয় বস্তুর কোষের ভেতর হতে বাইরে বের করতে এবং বাইরে হতে ভেতরে প্রবেশ করাতে কোষঝিল্লির কার্বোহাইড্রেটের উপস্থিতি অত্যন্ত গুরুত্বপূর্ণ বিবেচনা করা হয়।

সাম্প্রতিক গবেষণায় দেখা গিয়েছে কোষঝিল্লি অনেকটা তরল পদার্থের ন্যায় আচরণ করে। লিপিড অণু তরল পদার্থের ন্যায় ঝিল্লির একই স্তরে স্থান পরিবর্তন করে, পাশে ব্যাপ্ত (diffuse) হয় এবং অক্ষের (long axis) বরাবর ঘুরতে (rotate) পারে। একে **flip-flop movement** বলে। এ তথ্যগুলো ফ্লুইড-মোজাইক মডেলকে বিশেষভাবে সমর্থন করে।

কোষঝিল্লির রাসায়নিক উপাদান : (i) কোষঝিল্লিতে থাকে প্রোটিন, লিপিড এবং কোনো কোনো ক্ষেত্রে পলিস্যাকারাইড (polysaccharides)। (ii) প্রোটিন গাঠনিক উপাদান হিসেবে (structural), এনজাইম হিসেবে (enzymes) এবং বাহক প্রোটিন (carrier protein) হিসেবে থাকে। এদের গঠন ও পরিমাণগত পার্থক্য থাকতে পারে। (iii) **কোষঝিল্লির মোট শুষ্ক ওজনের প্রায় ৭৫ ভাগই লিপিড**। লিপিড প্রধানত ফসফোলিপিড (phospholipids) হিসেবে থাকে। ইতোমধ্যেই পাঁচ রকম ফসফোলিপিড শনাক্ত করা হয়েছে-যার সবচেয়ে সরলটি হলো ফসফোটাইডিক অ্যাসিড এবং অন্য চারটি জটিল প্রকৃতির (complex)। **জটিল ফসফোলিপিডের মধ্যে লেসিথিন (lecithin) প্রধান।** ঝিল্লিই ফসফোলিপিডের অর্ধেকের বেশি থাকে লেসিথিন। (iv) কোনো কোনো ক্ষেত্রে **RNA (পিয়াজের কোষে)** থাকতে পারে।

কোষঝিল্লির কাজ : (i) এটি কোষীয় সব বস্তুকে ঘিরে রাখে।

(ii) বাইরের প্রতিকূল অবস্থা হতে অভ্যন্তরীণ বস্তুকে রক্ষা করে।

(iii) কোষঝিল্লির মধ্যদিয়ে বস্তুর স্থানান্তর ও ব্যাপন নিয়ন্ত্রণ ও সমন্বয় হয় (control and coordinate)।

(iv) ঝিল্লিটি একটি কাঠামো হিসেবে কাজ করে যাতে বিশেষ এনজাইম এতে বিন্যস্ত থাকতে পারে।

(v) ভেতর থেকে বাইরে এবং বাইরে থেকে ভেতরে বস্তু স্থানান্তর করে।

(vi) বিভিন্ন বৃহদাণু (macro-molecule) সংশ্লেষ করতে পারে।

(vii) বিভিন্ন রকম তথ্যের ভিত্তি (information source) হিসেবে কাজ করে।

(viii) পারস্পরিক বন্ধন, বৃদ্ধি ও চলন ইত্যাদি কাজেও এর ভূমিকা আছে।

কাজ : কোষ ঝিল্লির ও প্রাজমায়েমব্রেনের মধ্যকার পার্থক্যগুলো পাশাপাশি একটি ছকে উপস্থাপন করতে হবে। পার্থক্য নির্ণয়কালে এদের অবস্থান, গঠন, স্তরায়ন, অলঙ্করণ, সজীবতা ও কাজ ইত্যাদি বিষয়ের প্রতি লক্ষ রাখতে হবে।

### ১.৩ সাইটোপ্রাজম ও অঙ্গাণু (Cytoplasm and Organelles)

নিউক্লিয়াসের বাইরে অবস্থিত এবং কোষঝিল্লি দিয়ে পরিবেষ্টিত প্রোটোপ্রাজমীয় অংশের নামই হলো সাইটোপ্রাজম। এটি মাতৃকা ও অঙ্গাণু অংশ নিয়ে গঠিত।

সাইটোপ্লাজমীয় মাতৃকা (Cytoplasmic matrix) : মাতৃকা হলো সাইটোপ্লাজমের ভিত্তি পদার্থ।

ভৌত গঠন : মাতৃকা হলো একটি অর্ধতরল, দানাদার, অর্ধস্ফটিক, সমধর্মী, কলয়ডাল তরল পদার্থ। একে হ্যালোপ্রোপ্লাজমও বলা হয়। বর্তমানে একে সাইটোসোল (Cytosol) বলা হয়। H. A. Lardy (1965) প্রথম সাইটোসোল শব্দটি ব্যবহার করেন। এটি বিভিন্ন জৈব ও অজৈব পদার্থ, পানি, বিভিন্ন অ্যাসিড ও এনজাইম নিয়ে গঠিত। সাইটোপ্লাজমীয় মাতৃকার অপেক্ষাকৃত ঘন, কম দানাদার বহিস্থ শক্ত অঞ্চলকে এন্ডোপ্লাজম (কর্টেক্স, প্রাজমায়েল) বলে এবং কেন্দ্রস্থ অপেক্ষাকৃত কম ঘন অঞ্চলকে এন্ডোপ্লাজম বলে। সাইটোপ্লাজমের আপেক্ষিক গুরুত্ব পানি অপেক্ষা বেশি।

অঙ্গাণু (Organelles) : সাইটোপ্লাজমীয় মাতৃকায় প্রাস্টিড, মাইটোকন্ড্রিয়া, এন্ডোপ্লাজমিক রেটিকুলাম, রাইবোসোম, গলগি বডি, লাইসোসোম, সেন্ট্রোসোম, মাইক্রোটিউবিউলস প্রভৃতি ক্ষুদ্রাঙ্গ এবং বিভিন্ন নির্জীব (জড়) পদার্থও থাকে।

সাইটোপ্লাজমের কাজ : (i) বিভিন্ন ক্ষুদ্রাঙ্গ ধারণ করা (ii) কতিপয় জৈবিক কাজ করা (iii) কোষের অন্তর্ভুক্ত ও ক্ষারত্ব নিয়ন্ত্রণ করা (iv) রেচন প্রক্রিয়ায় সৃষ্ট বর্জ্য পদার্থ নিষ্কাশনে সাহায্য করা (v) উত্তেজনায় সাড়া দেয়া এবং (vi) পানি পরিশোধনে সাহায্য করা।

সাইটোপ্লাজমের রাসায়নিক উপাদান ও প্রকৃতি (Chemical nature of cytoplasm)

সাইটোপ্লাজমের রাসায়নিক উপাদানকে অজৈব (inorganic) এবং জৈব (organic) — এ দু' শ্রেণিতে বিভক্ত করা যায়। অজৈব উপাদানের মধ্যে প্রধান হলো পানি ও পানিতে দ্রবীভূত গ্যাস। এছাড়াও আছে বিভিন্ন খনিজ বস্তু, আয়ন। জৈব উপাদানের মধ্যে আছে কার্বোহাইড্রেট, জৈব অ্যাসিড, লিপিড, প্রোটিন, নিউক্লিক অ্যাসিড, হরমোন, ভিটামিন, বিভিন্ন রঞ্জক পদার্থ। পানির পরিমাণ কোষভেদে ৬৫-৯৬%। সাইটোপ্লাজমের প্রকৃতি অর্ধতরল, দানাদার, অর্ধস্ফটিক, সমধর্মী ও কলয়ডাল।

সাইটোপ্লাজমের বিপাকীয় ভূমিকা (Metabolic role of cytoplasm): যে কোনো জীবদেহে প্রতিনিয়ত বিভিন্ন বিপাকীয় ক্রিয়া বিক্রিয়া চলতে থাকে। এর অধিকাংশই সাইটোপ্লাজম নির্ভর। বিপাকীয় ক্রিয়াগুলোর কতক সাইটোপ্লাজমে সংঘটিত হয়, কতক সাইটোপ্লাজমের অঙ্গাণুগুলোতে সংঘটিত হয়। জীবের জন্ম সবচেয়ে বড় শারীরবৃত্তীয় কাজ হলো শ্বসন। শ্বসনের প্রথম পর্যায় তথা গ্লাইকোলাইসিস সংঘটিত হয় সাইটোপ্লাজমে। এছাড়া সাইটোপ্লাজম হলো বিভিন্ন এনজাইমের আধার, আর সকল জৈবিক ক্রিয়া বিক্রিয়া নিয়ন্ত্রণ করে থাকে বিভিন্ন ধরনের এনজাইম। কাজেই পরোক্ষভাবে জীবের সকল বিপাকীয় কাজের নিয়ন্ত্রকও সাইটোপ্লাজম।

সাইটোপ্লাজমে বিরাজমান অঙ্গাণুসমূহ

সাইটোপ্লাজমে বেশ কিছু গুরুত্বপূর্ণ অঙ্গাণু বিরাজ করে। নিচে সাইটোপ্লাজমের প্রধান প্রধান অঙ্গাণুর বিবরণ উপস্থাপন করা হলো :

### ১। রাইবোসোম (Ribosome)

সাইটোপ্লাজমে মুক্ত অবস্থায় বিরাজমান অথবা অন্তঃপ্রাজমীয় জালিকার গায়ে অবস্থিত যে দানাদার কণায় প্রোটিন সংশ্লেষণ ঘটে তাই রাইবোসোম। রাইবোসোম অত্যন্ত ক্ষুদ্র এবং প্রায় গোলাকার। সাধারণত অমসৃণ এন্ডোপ্লাজমিক রেটিকুলামের উভয় দিকে এরা সারিবদ্ধভাবে অবস্থিত থাকে। সাইটোপ্লাজমে মুক্ত অবস্থায়ও রাইবোসোম থাকে। মুক্ত রাইবোসোম আদি কোষের একটি উল্লেখযোগ্য বৈশিষ্ট্য। মুক্ত রাইবোসোমের কোনো আবরণী নাই। সাইটোপ্লাজমে একাধিক রাইবোসোম মুক্তের মালার মতো অবস্থান করলে তাকে পলিরাইবোসোম বা পলিসোম বলে।



চিত্র ১.৭ : রাইবোসোম : দুই সাব-ইউনিট এবং mRNA ও tRNA এর সমন্বিত অবস্থান দেখানো হয়েছে।

আবিষ্কার : অ্যালবার্ট ক্লড (Albert Claude, 1899-1983) নামক একজন বিজ্ঞানী ১৯৫৪ সালে যকৃত কোষের সাইটোপ্লাজমকে সেন্ট্রিফিউজ করে RNA সমৃদ্ধ ৬০০-২০০০ Å

(৬০-২০০ nm) ব্যাসবিশিষ্ট বহু ক্ষুদ্রকণা পৃথক করেন এবং নাম দেন মাইক্রোসোম। এরপর রোমানিয়ান কোষ বিজ্ঞানী George Palade, ১৯৫৫ সালে কোষের ভারী পদার্থরূপে রাইবোসোম আবিষ্কার করেন। পরবর্তীতে ১৯৬৫ সালে ইংরেজী আণুবীক্ষণিক চিত্রে মাইক্রোসোমের দুটি অংশ পৃথকযোগ্য দেখা যায়, একটি হলো অন্তঃপ্রাজমীয় ঝিল্লি এবং অপরটি হলো ক্ষুদ্রাকার কণা। এ কণাকেই পরবর্তীতে রাইবোসোম নাম দেয়া হয়। ১৯৫৮ সালে Richard B. Roberts এর নামে রাইবোসোম। ক্রোরোপ্লাস্ট, মাইটোকন্ড্রিয়া এবং নিউক্লিয়োপ্লাজমে রাইবোনিউক্লিয়ো-প্রোটিন কণা (Ribonucleo-protein particle-RNP) নামক ক্ষুদ্রাকার রাইবোসোম আবিষ্কৃত হয়েছে।

**প্রকারভেদ :** আকার ও সেডিমেন্টেশন সহগ (কো-এফিসিয়েন্ট) হিসেবে রাইবোসোম মূলত 70S এবং 80S এই দুই প্রকার। 70S রাইবোসোম (আণবিক ওজন  $2.7 \times 10^6$  ডাল্টন) পাওয়া যায় আদিকোষী জীবে। আর 80S রাইবোসোম (আণবিক ওজন  $40 \times 10^6$  ডাল্টন) পাওয়া যায় প্রকৃতকোষী জীবে। 70S রাইবোসোম, 50S এবং 30S এই দুই সাব-ইউনিটে বিভক্ত থাকে। 80S রাইবোসোম, 60S এবং 40S এই দুই সাব-ইউনিটে বিভক্ত থাকে। প্রোটিন সংশ্লেষণের সময় আদি কোষে 50S ও 30S সাব-ইউনিট একত্রিত হয়ে 70S একক গঠন করে এবং প্রকৃত কোষে 60S ও 40S সাব-ইউনিট একত্রিত হয়ে 80S একক গঠন করে। কোনো বস্তুকে সেন্ট্রিফিউজ করলে তলায় তার অধঃক্ষেপ জমা হয়। সেন্ট্রিফিউজ করার কালে বিভিন্ন ভরসম্পন্ন বস্তুর অধঃক্ষেপণের হারকে S দিয়ে বোঝানো হয়। S = Svedberg unit = ভেদবার্গ একক; সেন্ট্রিফিউজ করে দ্রুত ঘূর্ণন প্রক্রিয়ায় বিভিন্ন ভরসম্পন্ন বস্তুর অধঃক্ষেপণের হারকে ভেদবার্গ একক বলে। সুইডিস প্রাণরসায়নবিদ Theodor Svedberg এর নামের প্রথম অক্ষর S দিয়ে তা বোঝানো হয়ে থাকে।

**আকৃতি ও ভৌত গঠন :** এরা মূলত বৃত্তাকার তবে ত্রিকোণ এবং পঞ্চকোণ বিশিষ্ট বলেও অনেকে দাবি করেছেন। এটি চওড়ায় ২২nm এবং উচ্চতায় ২০nm। রাইবোসোম প্রধানত বহু প্রকার প্রোটিন ও tRNA দিয়ে তৈরি। E. coli কোষের শুষ্ক ওজনের প্রায় ২২ ভাগই রাইবোসোম। রাইবোসোমের বহু প্রোটিন মূলত এনজাইম। rRNA প্রোটিন mRNA অণু রাইবোসোমের সাথে যুক্ত হলে tRNA-র সহায়তায় এমিনো অ্যাসিড দিয়ে পলিপেপটাইড তথা প্রোটিন সংশ্লেষিত হয়।

স্বাভাবিক অবস্থায় রাইবোসোমে সাব-ইউনিটগুলো পৃথক থাকে। কেবলমাত্র প্রোটিন সংশ্লেষণের সময় এরা একত্রিত হয়। এ সময় রাইবোসোমে ৪টি স্থান লক্ষ্য করা যায়। এগুলো হলো অ্যামাইনোঅ্যাসাইল বা A স্থান, পেপটাইডিল বা P স্থান, নির্গমন বা E স্থান এবং mRNA সংযুক্তি স্থান। অধিকাংশ ক্ষেত্রে দুইয়ের অধিক রাইবোসোম mRNA দ্বারা সংযুক্ত হয়ে পলিরাইবোসোম গঠন করে।

**রাসায়নিক গঠন :** রাইবোসোমের প্রধান উপাদান হচ্ছে RNA ও প্রোটিন। এদের অনুপাত প্রায় ১:৪:১ 70S রাইবোসোমে রয়েছে 23S, 16S ও 5S মানের ৩টি rRNA অণু এবং ৫২ প্রকারের প্রোটিন অণু। অপরদিকে 80S রাইবোসোমে রয়েছে 28S, 18S, 5.8S ও 5S মানের ৪টি rRNA অণু এবং ৮০ প্রকারের প্রোটিন অণু। এছাড়া এতে অল্প পরিমাণে ধাতব আয়ন, যেমন-Mg<sup>++</sup>, Ca<sup>++</sup> ও Mn<sup>++</sup> ইত্যাদি থাকে।

[আদি কোষের রাইবোসোম রাসায়নিকভাবে পৃথক ধরনের, তাই টেট্রাসাইক্লিন বা স্ট্রেপ্টোমাইসিন অ্যান্টিবায়োটিক ওষুধ ব্যাকটেরিয়ার প্রোটিন সংশ্লেষ বন্ধ করে দিয়ে ব্যাকটেরিয়াকে ধ্বংস করে কিন্তু মানবদেহের প্রোটিন সংশ্লেষণে কোনো ব্যাঘাত সৃষ্টি করে না।]


**উৎপত্তি :** আদি কোষে DNA (আদি ক্রোমোসোম) থেকে উৎপন্ন হয় কিন্তু প্রকৃত কোষে সাব-ইউনিট দু'টি পৃথকভাবে নিউক্লিয়াসের অভ্যন্তরে তৈরি হয় এবং পরে সাইটোপ্লাজমে চলে আসে। পলিপেপটাইড তৈরি শুরু হওয়ার আগ পর্যন্ত সাব-ইউনিট পৃথক থাকে।

**রাইবোসোমের কাজ :** প্রধান কাজ প্রোটিন সংশ্লেষণ করা। তাই রাইবোসোমকে কোষের প্রোটিন ফ্যাক্টরি বলা হয়। প্রোটিন সংশ্লেষণের শুরুতে mRNA আদি কোষের 30S এবং প্রকৃত কোষের 40S সাব-ইউনিটের সাথে সংযোগ স্থাপন করে। এরপর আদি কোষে 80S এর সাথে 50S মিলে 70S একক গঠন করে।

ইউনিট এসে একত্রিত হয়ে 80S একক গঠন করে এবং প্রোটিন সংশ্লেষণ শুরু হয়। এরা সাইটোটোক্সম উৎপন্ন করে যারা কোষীয় স্বন্দনে ইলেকট্রন পরিবহন করে। **থুকোজের ফসফোরাইলেশন রাইবোসোমে সংঘটিত হয়।**

## ২। গলগি বডি (Golgi body)

নিউক্লিয়াসের কাছাকাছি অবস্থিত এবং দ্বিস্তরবিশিষ্ট ঝিল্লি দ্বারা আবদ্ধ ছোট নালিকা, ফোপা, চৌবাচ্চা বা ল্যামেলির ন্যায় সাইটোপ্লাজমিক অঙ্গাণুর নাম গলগি বডি (গলগি যন্ত্র বা গলগি ক্ষেত্র)। গলগি বডি চেপ্টা, গোলাকার বা লম্বা হতে পারে। এরা সাধারণত নিউক্লিয়াসের কাছাকাছি একত্রিত হয়ে অবস্থান করে। ইতালীয় স্নায়ুতত্ত্ববিদ **ক্যামিলো গলগি** (Camillo Golgi, 1843-1926) ১৮৯৮ সালে প্রথম **পেঁচা ও বিড়ালের স্নায়ুকোষে** এটি দেখতে পান এবং তাঁর নামানুসারে পরবর্তীকালে এ অঙ্গাণুর নাম রাখা হয়েছে গলগি বডি। **মসৃণ এন্ডোপ্লাজমিক রেটিকুলাম থেকে গলগি বডি সৃষ্টি হয়।** এদেরকে **ডিকটায়োসোম** (dictyosome), **ইডিওসোম** (Idiosome) বা **লাইপোকন্ড্রিয়া** (lypochondria) নামেও অভিহিত করা হয়। প্রায় সব প্রাণী কোষেই এরা বিদ্যমান। গলগি বডিতে ফ্যাটিঅ্যাসিড, ভিটামিন-কে, বিভিন্ন প্রকার এনজাইম (ATPase, ADPase, ট্রান্সফারেজ ইত্যাদি) থাকে। কখনো ক্যারটিনয়েডও থাকে। **গলগি বডিকে 'কোষের ট্রাফিক পুলিশ'** (Traffic Police of Cell) বলা হয়। কারণ গলগিবডি কোষের কেন্দ্রীয় অংশ থেকে ঝিল্লিবদ্ধ বস্তুর (ভেসিকল) কোষের পরিধির দিকে প্লাজমামেমব্রেন পর্যন্ত নিয়ে যায়।



চিত্র ১.৮ : গলগি বডি।

**ভৌত গঠন :** গলগি যন্ত্রের কতগুলো চ্যান্টা থলে বা চৌবাচ্চা আকৃতির গঠনসমূহকে **সিস্টার্না** (এক বচনে-সিস্টার্না) বলে এবং কিছুটা অনিয়মিত নালিকা ও ভেসিকলসমূহকে **ট্রান্স-গলগি নেটওয়ার্ক (Trans-Golgi Network-TGN)** বলে। সিস্টার্না একসাথে গাদা করে (stack) থাকে। প্রতিটি স্বতন্ত্র গাদাকে (stack) বলা হয় **গলগি বডি** বা **ডিকটায়োসোম** (dictyosome)। গলগি যন্ত্রের **প্লাজমামেমব্রেনের কাছাকাছি অংশকে বলা হয় ট্রান্স-ফেইস (trans-face)**। আর কোষের কেন্দ্রের দিকের অংশকে বলা হয় **সিঙ্গ-ফেইস (cis-face)**। ট্রান্সফেইস-এর শেষ সিস্টার্নাকে বলা হয় **ট্রান্সসিস্টার্না (transcisterna)** এবং সিঙ্গ-ফেইসের শেষ সিস্টার্নাকে বলা হয় **সিঙ্গ-সিস্টার্না (cis-cisterna)**, মধ্যভাগের গুলোকে বলা হয় **মেডিয়াল সিস্টার্না (medial cisternae)**। সিস্টার্নার পার্শ্বদেশে অবস্থিত গোলাকার বৃহৎ তলের মতো গঠনগুলোকে **ড্যাকুওল** বলে। সবগুলো সংগঠন ইন্টারসিস্টার্নাল বস্তুর দ্বারা একসাথে সংঘবদ্ধ অবস্থায় থাকে। তিন অংশে তিন ধরনের এনজাইম থাকে এবং এদের কাজও তিন ধরনের।

প্রাণিকোষে সাধারণত গলগিযন্ত্র কোষের এক জায়গায় একসাথে অবস্থান করে কিন্তু উদ্ভিদকোষে দৃশ্যত পৃথক পৃথক **শতাব্ধিক গলগি বডি** সাইটোপ্লাজমে ছড়িয়ে থাকে।

উদ্ভিদ কোষে গলগি বডির প্রধান কাজ হলো **গ্লাইকোপ্রোটিনের অলিগোস্যাকারাইড-এ পার্শ্ব শৃঙ্খল সংযুক্ত করা** এবং **জটিল পলিস্যাকারাইড সংশ্লেষ ও নিঃসরণ করা**। তাই উদ্ভিদ কোষে গলগি বডিকে **কার্বোহাইড্রেট ফ্যাক্টরি** বলা হয়। উদ্ভিদ কোষে গলগি বডির আর একটি উল্লেখযোগ্য কাজ হলো **কোষ প্রাচীর গঠন করা**।

এভোপ্রাজমিক রেটিকুলামে উৎপাদিত দ্রব্যাদির ঝিল্লিবদ্ধ ভেসিকল (ট্রানজিশন ভেসিকল) সিঙ্ক-সিস্টার্না গ্রহণ এবং পর্যায়ক্রমিকভাবে মেডিয়াল সিষ্টার্নার মাধ্যমে শেষ পর্যন্ত ট্রান্সসিস্টার্না হয়ে কোষে অন্যত্র বা প্রাজমামে মেরে যায়।

রাসায়নিক গঠন : গলগি বডি আবরণীতে ৬০ ভাগ প্রোটিন এবং ৪০ ভাগ লিপিড থাকে। এছাড়া এতে সাইটোসিন, ভিটামিন-K ও ক্যারটিনয়েড থাকে। বিভিন্ন ধরনের এনজাইম দ্বারা এদের থলিগুলো পূর্ণ থাকে।

উৎপত্তি : সঙ্কট মসৃণ এভোপ্রাজমিক রেটিকুলাম হতে উৎপত্তি হয়।

গলগি বডির কাজ : (i) লাইসোসোম তৈরি করা। (ii) অ-প্রোটিন জাতীয় পদার্থের সংশ্লেষণ করা, (iii) কিছু এনজাইম নিষ্কাশন করা, (iv) কোষ বিভাজনকালে কোষপ্রেট তৈরি করা, (v) প্রোটিন, হেমিসেলুলোজ, মাইক্রোফাইব্রিল তৈরি করা, (vi) কোষস্থ পানি বের করা, (vii) এভোপ্রাজমিক রেটিকুলামে প্রস্তুতকৃত দ্রব্যাদি ঝিল্লিবদ্ধ করা, (viii) বিভিন্ন পলিস্যাকারাইড সংশ্লেষণ ও পরিবহনে অংশ গ্রহণ করা। (ix) মাইটোকন্ড্রিয়াকে ATP উৎপাদনে উদ্বুদ্ধ করা।


### কোষের পাকস্থলি

#### ৩। লাইসোসোম (Lysosome)

সাইটোপ্রাজমে অবস্থিত যে অঙ্গাণু হাইড্রোলাইটিক এনজাইমের আধার হিসেবে কাজ করে তাকে লাইসোসোম বলে (Gk. Lyso = হজমকারী এবং soma = বস্তু)। বহু সংখ্যক নানাবিধ হাইড্রোলাইটিক এনজাইম একটি দ্বিভ্রবী বিলম্বিত আবদ্ধ হয়ে একটি লাইসোসোম তৈরি করে। ১৯৫৫ সালে দ্য দু'বে (Christain de Duve, 1917-2013) এ ধরনের অঙ্গাণুর নামকরণ করেন লাইসোসোম।

উৎপত্তি : এভোপ্রাজমিক রেটিকুলাম হতে এদের উৎপত্তি এবং গলগি বডি কর্তৃক প্যাকেজকৃত।

বিস্তৃতি : প্রাণিদেহের স্বেত রক্তকণিকা কোষে অধিক সংখ্যায় লাইসোসোম দেখা যায়। প্রায় সব প্রাণিকোষে, বিশেষ করে বৃক্ক কোষ, অস্ত্রের আবরণী কোষেও লাইসোসোম আছে। RBC-তে লাইসোসোম থাকে না। সম্প্রতি উদ্ভিদকোষেও লাইসোসোমের ন্যায় spherosome আবিষ্কৃত হয়েছে। এদেরকে oleosome ও বলা হয়। এরা আকারে ছোট। তৈল জাতীয় পদার্থ ঝিল্লিবদ্ধ করা এদের প্রধান কাজ। Oleosome-এর বিলম্বিত একত্রবিশিষ্ট বলে জানা যায়।



চিত্র ১.৯ : লাইসোসোমের গঠন।

ভৌত গঠন : লাইসোসোম সাধারণত বৃত্তাকার, এদের ব্যাস সাধারণত ০.২-০.৮ মাইক্রোমিটার। বৃক্ক কোষের লাইসোসোম অপেক্ষাকৃত বড় হয়ে থাকে। প্রতিটি লাইসোসোম একটি দ্বিভ্রবী আবরণী দ্বারা আবদ্ধ থাকে। এদের ভ্যাকুওল ঘন তরলে পূর্ণ থাকে।

রাসায়নিক গঠন : লাইসোসোমের আবরণী ঝিল্লি লিপো-প্রোটিন নির্মিত। ঝিল্লি দ্বারা আবদ্ধ অবস্থায় এতে প্রায় ৪০ ধরনের এনজাইম থাকে। উল্লেখযোগ্য এনজাইমগুলো হলো DNAase, RNAase, অ্যাসিড লাইপেজ, এস্টারেজ, স্যাকারেজ, লাইসোসোম ইত্যাদি।

লাইসোসোমের কাজ : লাইসোসোমের এনজাইমসমূহ অঙ্গীয় পরিবেশে কর্মক্ষম হয়; সাইটোপ্রাজমের নিউট্রাল pH-এ এরা কর্মক্ষম থাকে না; তাই কোষের তেমন কোনো ক্ষতি হয় না। প্রয়োজনের সময় সাইটোপ্রাজম থেকে প্রোটিন (H<sup>+</sup>) পদ্ধতিতে জীবনশূন্য করে। (ii) বিগলনকারী এনজাইমসমূহকে আবদ্ধ করে রেখে এটি কোষের অন্যান্য অঙ্গাণুকে রক্ষা করে। (iii) লাইসোসোম অঙ্গকোষীয় পরিপাক কাজে সাহায্য করে। (iv) স্ত্রী খাদ্যাভাবের সময় এর প্রাচীর ফেটে যায় এবং আবদ্ধকৃত এনজাইম বের হয়ে কোষের অন্যান্য অঙ্গাণুগুলো বিনষ্ট করে দেয়। এ কাজকে বলে স্ব-গ্রাস বা অটোফ্যাগোসিস।

(autophagy)। এভাবে সমস্ত কোষটিও পরিপাক হয়ে যেতে পারে। একে বলা হয় **অটোলাইসিস (autolysis)**। (v) এরা জীবদেহের অকেজো কোষসমূহকে অটোলাইসিস পদ্ধতিতে ধ্বংস করে বলে এদের **আত্মঘাতী ধলিকা বা কোয়াড (Suicidal bag or squad)** বলা হয়। (vi) কোষ বিভাজনকালে এরা কোষীয় ও নিউক্লীয় আবরণী ভাঙ্গতে সাহায্য করে। এরা কোষে **কেন্নাটিন** প্রস্তুত করে।

### ৪। এন্ডোপ্লাজমিক রেটিকুলাম (Endoplasmic reticulum)

পরিণত কোষে সাইটোপ্লাজমে যে জালিকা বিন্যাস দেখা যায় তাই এন্ডোপ্লাজমিক রেটিকুলাম বা অন্তঃপ্রাজমীয় জালিকা।

আবিষ্কার : বিজ্ঞানী **পোর্টার (Keith R. Porter)** এবং তাঁর সঙ্গীরা (Claude & Fullam) ১৯৪৫ সালে সর্বপ্রথম যুক্ত কোষে এটি আবিষ্কার করেন। এন্ডোপ্লাজমিক রেটিকুলাম নামকরণ করেন ১৯৫৩ সালে।

উৎপত্তি : সাইটোপ্লাজমীয় ঝিল্লি, নিউক্লীয় ঝিল্লি অথবা কোষঝিল্লি হতে এদের উৎপত্তি হয়।

বিস্তৃতি : অধিকাংশ **ইউক্যারিয়টিক** কোষেই এ অঙ্গাণু পাওয়া যায়। তবে বেশি থাকে যুক্ত, অগ্ন্যাশয় ও অন্তঃক্ষরা গ্রন্থির কোষে।

প্রকার : এন্ডোপ্লাজমিক রেটিকুলাম দু'প্রকার- **মসৃণ এবং অমসৃণ**। **রেটিকুলামের গায়ে রাইবোসোম থাকলে তা অমসৃণ** বা দানাদার হয়, **রাইবোসোম না থাকলে মসৃণ বা অদানাদার হয়**।

জ্যেষ্ঠ গঠন : গঠনগতভাবে এন্ডোপ্লাজমিক রেটিকুলাম তিন প্রকার; যথা-

(ক) **সিস্টার্নি (Cisternae)** : এরা দেখতে অনেকটা চেন্টা, শাখাবিহীন ও লম্বা চৌবাচ্চার মতো এবং সাইটোপ্লাজমে পরস্পর সমান্তরালভাবে বিন্যস্ত থাকে। এগুলোর ব্যাস ৪০-৫০ মিলিমাইক্রন (m $\mu$ ) পুরু। এগুলোর গায়ে অনেক সময় রাইবোসোম যুক্ত থাকে।

(খ) **ভেসিকল (Vesicles)** : এগুলো **বর্তলাকার কোষের মতো**। ২৫-৫০ মিলিমাইক্রন ব্যাসযুক্ত।

(গ) **টিউবিউল (Tubules)** : এগুলো নালিকার মতো, শাখাখিত বা অশাখ। এদের ব্যাস ৫০-১৯০ মিলিমাইক্রন। এদের গায়ে সাধারণত রাইবোসোম যুক্ত থাকে না।



চিত্র ১.১০ : এন্ডোপ্লাজমিক রেটিকুলাম (ক) ত্রিমাত্রিক গঠন, (খ) অমসৃণ ঝিল্লি, (গ) মসৃণ ভেসিকল এবং (ঘ) মসৃণ টিউবিউল।

রাসায়নিক গঠন : এন্ডোপ্লাজমিক রেটিকুলামের প্রধান রাসায়নিক উপাদান হলো- **প্রোটিন (৬০-৭০ ভাগ)** ও **লিপিড (৩০-৪০ ভাগ)**। এতে প্রায় **১৫** ধরনের এনজাইম পাওয়া যায়; যেমন-গ্লুকোজ ৬-ফসফেটেজ, সক্রিয় ATPase, NADH ডায়াক্সিফেরেজ ইত্যাদি। অমসৃণ জালিতে RNA এবং **গ্রাইথলিসোম** নামক ক্ষুদ্রাকার কণা থাকতে পারে। অমসৃণ রেটিকুলামের ক্ষুদ্র ক্ষুদ্র বিচ্ছিন্ন অংশকে **মাইক্রোসোম (microsome)** বলে।

এন্ডোপ্রাজমিক রেটিকুলামের কাজ : (i) এটি প্রোটোপ্রাজমের কাঠামো হিসেবে কাজ করে। (ii) অমসৃণ রেটিকুলাম প্রোটিন সংশ্লেষিত হয়। (iii) মসৃণ রেটিকুলামে (বিশেষত প্রাণী কোষে) লিপিড, মতান্তরে বিভিন্ন হরমোন, গ্রাইকোলিপিড প্রভৃতি সংশ্লেষিত হয়। (iv) এটি লিপিড ও প্রোটিনের অন্তঃস্বাক্ষর হিসেবে কাজ করে। (v) অনেকের মতে কোষপ্রাচীরের জন্য সেলুলোজ তৈরি হয়। (vi) রাইবোসোম, গ্রাইঅগ্লিসোমের ধারণক হিসেবে কাজ করে। (vii) এরা অণুপ্রবেশকারী বিভিন্ন বিযুক্ত পদার্থকে নিষ্ক্রিয় করে।

গঠন ও কাজে দু'প্রকার এন্ডোপ্রাজমিক রেটিকুলামের মধ্যে পার্থক্য

গঠন ও কাজে দু'প্রকার এন্ডোপ্রাজমিক রেটিকুলামের মধ্যে পার্থক্য আছে। অমসৃণ এন্ডোপ্রাজমিক রেটিকুলাম রাইটোপ্রাজমের কাঠামো হিসেবে কাজ করে, রাইবোসোম ধারণ করে এবং প্রোটিন সংশ্লেষণ করে। মসৃণ এন্ডোপ্রাজমিক রেটিকুলাম রাইটোপ্রাজমের কাঠামো হিসেবে কাজ করে, কোনো রাইবোসোম বহন করে না, প্রোটিন সংশ্লেষণ করে না এবং লিপিড বা হরমোন সংশ্লেষণ করতে পারে।

#### ৫। মাইটোকন্ড্রিয়া (Mitochondria)

প্রকৃত জীবকোষের গুরুত্বপূর্ণ অঙ্গাণু হলো মাইটোকন্ড্রিয়া। কোষের যাবতীয় জৈবনিক কাজের শক্তি সরবরাহ করে বলে মাইটোকন্ড্রিয়াকে কোষের 'পাওয়ার হাউস' বা শক্তিদ্বর বলা হয়। এ অঙ্গাণুতে ক্রেবস্ চক্র, ফ্যাটি অ্যাসিড চক্র ইলেকট্রন ট্রান্সপোর্ট প্রক্রিয়া প্রভৃতি ঘটে থাকে। দ্বিষ্টরবিধিষ্ট আবরণী ঝিল্লি দ্বারা সীমিত মাইটোকন্ড্রিয়ামহু যে অঙ্গাণুতে ক্রেবস্ চক্র, ইলেকট্রন ট্রান্সপোর্ট ইত্যাদি ঘটে থাকে এবং শক্তি উৎপন্ন হয় সেই অঙ্গাণুকে মাইটোকন্ড্রিয়া বলে।

আবিষ্কার ও নামকরণ : কলিকার (Albert Von Kolliker) ১৮৫০ সালে আলোক অণুবীক্ষণের সাহায্যে মাইটোকন্ড্রিয়াকে নানা আকৃতিবিশিষ্ট এসব অঙ্গাণু আবিষ্কার করেন। W. Fleming (1882) কোষে সুতাকৃতির মাইটোকন্ড্রিয়াকে প্রত্যক্ষ করেন এবং *fila* (ফিলা) নামকরণ করেন। Altman (1890) এদের *bioplast* (bioplast) নামকরণ করেন। কার্ল বেন্ডা (Carl Benda-1897) এ অঙ্গাণুগুলোকে মাইটোকন্ড্রিয়া নামকরণ করেন। কোষের মাইটোকন্ড্রিয়াকে এরা বিক্ষিপ্তভাবে অবস্থান করে, কোষ আয়তনের প্রায় ২০ ভাগ হলো মাইটোকন্ড্রিয়া, [(Gk- Mitos= thread-সূতা এবং chondrion= grain-দানা; একবচন- মাইটোকন্ড্রিয়ন)]।

উৎপত্তি : বিভাজনের মাধ্যমে এদের সংখ্যা বৃদ্ধি হয়ে থাকে। কোষে একটিমাত্র মাইটোকন্ড্রিয়ন (বহুবচন মাইটোকন্ড্রিয়া) থাকলে তা কোষ বিভাজনের সাথেই বিভাজিত হয়ে থাকে।

সংখ্যা : প্রকারভেদে প্রতি কোষে এক হতে একাধিক থাকতে পারে। সাধারণত গড়ে প্রতি কোষে ৩০০ হতে ৪০০ মাইটোকন্ড্রিয়া থাকে। [যুক্ত কোষে ১০০০ বা ততোধিক থাকে *Amoeba*-তে আরও বেশি থাকে।]

আকৃতি : আকৃতিতে এরা বৃত্তাকার, দণ্ডাকার, তন্তুকার (সূত্রাকার), তারাকার ও কুণ্ডলী আকার হতে পারে।

আয়তন : বৃত্তাকার মাইটোকন্ড্রিয়ার ব্যাস ০.২-২.০ মাইক্রন। সূত্রাকার মাইটোকন্ড্রিয়ার দৈর্ঘ্য ৪০ থেকে ৭০ মাইক্রন। দণ্ডাকার মাইটোকন্ড্রিয়ার দৈর্ঘ্য ৯ মাইক্রন ও প্রস্থ ০.৫ মাইক্রন পর্যন্ত হতে পারে।

মাইটোকন্ড্রিয়ার ভৌত গঠন : নিম্নলিখিত অংশ নিয়ে মাইটোকন্ড্রিয়া গঠিত :

১। আবরণী : প্রতিটি মাইটোকন্ড্রিয়ন লিপোপ্রোটিন বাইলেয়ারের দুটি মেমব্রেন নিয়ে গঠিত। বাইরের মেমব্রেনটি খাঁজবিহীন, মূলত ভেতরের অংশসমূহকে রক্ষা করাই এর প্রধান কাজ। বাইরের মেমব্রেন ভেদ করে বিভিন্ন পুষ্টি অণু এবং আয়ন ভেতরে প্রবেশ করতে পারে, আবার বের হয়ে যেতেও পারে। এতে কিছু ট্রান্সপোর্ট প্রোটিন থাকে যা প্রয়োজনীয় সক্রিয় ট্রান্সপোর্টে সহায়তা করে। এতে কোনো ETC, ATP Synthases, ATP তৈরির এনজাইম ইত্যাদি থাকে না। এর কাজ মূলত রক্ষণাত্মক। দুটি আবরণীর মধ্যে ব্যবধান ৬-৮ nm।

২। প্রকোষ্ঠ : দুই মেমব্রেনের মাঝখানের ফাঁকা স্থানকে বলা হয় বহিঃ কক্ষ (প্রকোষ্ঠ) বা আন্তঃমেমব্রেন ফাঁক এবং ভেতরের মেমব্রেন দিয়ে আবদ্ধ কেন্দ্রীয় অঞ্চলকে বলা হয় অভ্যন্তরীণ কক্ষ। অভ্যন্তরীণ কক্ষ জেলির ন্যায় ঘন সমন্বিত পদার্থ বা ধাত্র দ্বারা পূর্ণ থাকে। এই ধাত্র পদার্থকে ম্যাট্রিক্স বলে।

৩। **ক্রিস্টি** : বাইরের মেমব্রেন সোজা কিম্বা ভেতরের মেমব্রেনটি নির্দিষ্ট ব্যবধানে ভেতরের দিকে ভাঁজ হয়ে **আঙ্গুলের** মতো প্রবর্তক সৃষ্টি করে। প্রবর্তিত অংশকে **ক্রিস্টি (cristae)** বলে। এদের সংখ্যা ও আকৃতি বিভিন্ন কোষে বিভিন্ন রকম হয়। এগুলো মাইটোকন্ড্রিয়ার ধারকে কতগুলো অসম্পূর্ণ একোটে বিভক্ত করে। ক্রিস্টির মধ্যবর্তী ফাঁকা স্থানকে **অন্তঃক্রিস্টি ফাঁকা স্থান (intracristal space)** বলে-যা **বহিঃপ্রকোষ্ঠের** সাথে সংযুক্ত।

৪। **অক্সিসোম (Oxisome)** : মাইটোকন্ড্রিয়ার **অন্তঃআবরণীর অন্তর্গত** অতি সূক্ষ্ম অসংখ্য **দানা** স্লেগে থাকে। এদের **অক্সিসোম বলে**। অক্সিসোম বৃত্তাক বা অবৃত্তাক হতে পারে। বৃত্তাক অক্সিসোম মন্তক, বোঁটা ও ভূমি নিয়ে গঠিত হয়ে থাকে।

৫। **ATP-Synthases ও ETC** : ক্রিস্টিতে স্থানে স্থানে ATP-Synthases নামক গোলাকার বস্তু আছে। এতে ATP সংশ্লেষিত হয়। এছাড়া সমস্ত **ক্রিস্টিব্যাপী অনেক ইলেক্ট্রন ট্রান্সপোর্ট চেইন (ETC)** অবস্থিত।


৬। **DNA ও রাইবোসোম** : মাইটোকন্ড্রিয়ার নিজস্ব বৃত্তাকার DNA এবং রাইবোসোম **70S** রয়েছে। এটিও আদি কোষীয় বৈশিষ্ট্যসম্পন্ন। এরা ম্যাট্রিক্স-এ থাকে।

**রাসায়নিক গঠন** : মাইটোকন্ড্রিয়ার শুষ্ক ওজনের প্রায় ৬৫% প্রোটিন, ২৯% গ্লিসারাইডসমূহ, ৪% লেসিথিন ও স্ফোলিন এবং ২% কোলেস্টেরল। লিপিডের মধ্যে ৯০% হচ্ছে ফসফোলিপিড, বাকি ১০% ফ্যাটি অ্যাসিড, ক্যারোটিনয়েড, ভিটামিন E এবং কিছু অজৈব পদার্থ।

মাইটোকন্ড্রিয়ার বিভিন্ন লিপো-প্রোটিন সমৃদ্ধ। মাইটোকন্ড্রিয়াতে প্রায় ১০০ প্রকারের এনজাইম ও কো-এনজাইম রয়েছে। এছাড়া এতে **০.৫% RNA** ও সামান্য DNA থাকে।

মাইটোকন্ড্রিয়ার কাজ : (i) কোষের যাবতীয় কাজের জন্য শক্তি উৎপাদন ও নিয়ন্ত্রণ করা। (ii) শ্বসনের জন্য প্রয়োজনীয় এনজাইম, কো-এনজাইম প্রভৃতি ধারণ করা। (iii) শ্বসনের বিভিন্ন পর্যায় যেমন- ক্রেবস চক্র, ইলেক্ট্রন ট্রান্সপোর্ট, অক্সিডেটিভ ফসফোরাইলেশন সম্পন্ন করা। (iv) নিজস্ব DNA, RNA উৎপন্ন করা এবং বংশগতিতে ভূমিকা রাখা। (v) প্রোটিন সংশ্লেষ ও স্নেহ বিপাকে সাহায্য করা। (vi) এরা **Ca, K** প্রভৃতি পদার্থের সক্রিয় পরিবহনে সক্ষম। (vii) তরুণ ও ভিখাণু গঠনে অংশগ্রহণ করা। (viii) কোষের বিভিন্ন অংশে ক্যালসিয়াম আয়নের সঠিক ঘনত্ব রক্ষা করা। (ix) কোষের পূর্বনির্ধারিত মৃত্যু (apoptosis) নিয়ন্ত্রণ করা। (x) রক্ত কণিকা ও হরমোন উৎপাদনে সহায়তা করা। (xi) এতে বিভিন্ন ধরনের ক্যাটায়ন, যেমন-  $Ca^{2+}$ ,  $S^{2+}$ ,  $Fe^{2+}$ ,  $Mn^{2+}$  ইত্যাদি সঞ্চিত রাখা।

**এন্ডোসিমবায়োট (Endosymbiont)** : ইউক্যারিয়টিক কোষে বিদ্যমান **ক্রোরোপ্লাস্ট ও মাইটোকন্ড্রিয়াকে** কোষের **এন্ডোসিমবায়োট** হিসেবে গণ্য করা হয়ে থাকে। ধারণা করা হয় ইউক্যারিয়টিক কোষ দ্বারা এন্ডোক্যাম্বোসাইটোসিস প্রক্রিয়ার চক্রবৃত্ত কিছু ব্যাক্টেরিয়া থেকে বিবর্তিত হয়ে এসব অঙ্গাণুর উৎপত্তি হয়েছে।



চিত্র ১.১১। ইলেক্ট্রন অনুবীক্ষণ দ্বারা সৃষ্ট মাইটোকন্ড্রিয়ার সৈধ্যচ্ছেদ।  
(ক) অর্ধাংশে সিমমট্রিক, (খ) পাতলা সৈধ্যচ্ছেদ।

মাইটোকন্ড্রিয়নের বহিঃগঠন ও অন্তঃগঠনের সাথে কাজের আন্তঃসম্পর্ক

মাইটোকন্ড্রিয়ার বাইরের মেমব্রেনটি মূলত রক্ষাত্মক ভূমিকা পালন করে। ভেতরের অংশকে রক্ষা করাই এর প্রধান কাজ। শক্তি উৎপাদন কাজটি সংঘটিত হয় ভেতরের মেমব্রেন দ্বারা সৃষ্ট ক্রিস্টিতে। ক্রিস্টিতে ইলেকট্রন ট্রান্সপোর্ট চেইনের সব উপাদান সঞ্চিত থাকে এবং এখানেই শক্তি উৎপন্ন হয়। কাজেই মাইটোকন্ড্রিয়ার বহিঃগঠন (রক্ষাত্মক) এবং অন্তঃগঠন (কর্মধারক) বহিঃগঠন কর্মধারক অংশের কাঁচামাল ও উৎপন্ন দ্রব্য আদান প্রদান নিয়ন্ত্রণ করে থাকে।

কাজ : পোস্টার পেপারে পাশাপাশি ক্রোরোগ্রাস্ট ও মাইটোকন্ড্রিয়ার চিত্র আঁকতে হবে। অঙ্কিত চিত্রে বিভিন্ন অংশ চিহ্নিত করতে হবে। চিত্রের নিচে পাশাপাশি একটি ছকে এদের মধ্যকার পার্থক্য লিখতে হবে।

উপকরণ : পোস্টার পেপার, পেনসিল, রং পেনসিল, স্কেল, ক্রোরোগ্রাস্ট ও মাইটোকন্ড্রিয়ার চিত্র।

### ৬। প্রাস্টিড (Plastid)

স্ট্রোমা ও গ্রানা সমৃদ্ধ এবং লিপো-প্রোটিন কিল্লি দ্বারা সীমিত সাইটোপ্রাজমস্বরূপে সর্ববৃহৎ কুদ্ভাপের নাম প্রাস্টিড। ১৮৫৮ সালে শিম্পার (W. Schimper, 1856-1901) সর্বপ্রথম উদ্ভিদ কোষে সবুজ বর্ণের প্রাস্টিড লক্ষ্য করেন এবং এর নামকরণ করেন ক্রোরোগ্রাস্ট। পরবর্তীতে অন্যান্য প্রাস্টিড আবিষ্কৃত হয়েছে। আলোক অনুবীক্ষণ যন্ত্রের সাহায্যেই এদেরকে স্পষ্ট দেখা যায়। ছত্রাক, ব্যাকটেরিয়া, নীলাভ-সবুজ শৈবাল প্রভৃতি কোষে প্রাস্টিড নেই। নীলাভ সবুজ শৈবালে প্রাজমামেমব্রেন ভেতরে প্রবিষ্ট হয়ে থাইলাকয়েড সৃষ্টি করে এবং থাইলাকয়েড ক্রোরোফিল ধারণ করে।

প্রাস্টিড প্রধানত তিন প্রকার; যথা- (ক) লিউকোপ্রাস্ট, (খ) ক্রোমোপ্রাস্ট এবং (গ) ক্রোরোগ্রাস্ট। প্রাস্টিডগুলোর মধ্যে ক্রোরোগ্রাস্ট সবচেয়ে গুরুত্বপূর্ণ।

(ক) লিউকোপ্রাস্ট (Leucoplast) : এরা বর্ণহীন (*leucos* = বর্ণহীন)। আলোর সংস্পর্শে এলে লিউকোপ্রাস্ট ক্রোমোপ্রাস্টে, বিশেষ করে ক্রোরোগ্রাস্টে রূপান্তরিত হতে পারে।

অবস্থান : মূল, ডু-নিম্নস্থ কাণ্ড প্রভৃতি যে সব অঙ্গে সূর্যালোক পৌঁছায় না সে সব অঙ্গের কোষে লিউকোপ্রাস্ট অবস্থিত।  
আকার-আকৃতি : লিউকোপ্রাস্ট অর্ধবৃত্তাকৃতি, মূলাকৃতি বা নলাকৃতির হতে পারে।

প্রকারভেদ : সম্মিত খাদ্যের প্রকৃতির ওপর ভিত্তি করে লিউকোপ্রাস্টকে তিনভাগে ভাগ করা হয়। যথা-

অ্যামাইলোপ্রাস্ট (amyloplast) : স্টার্চ বা শ্বেতসার জাতীয় খাদ্য সঞ্চয়কারী লিউকোপ্রাস্টকে অ্যামাইলোপ্রাস্ট বলা হয়।

ইলায়োপ্রাস্ট (elaioplast) : চর্বিজাতীয় খাদ্য সঞ্চয়কারী লিউকোপ্রাস্টকে ইলায়োপ্রাস্ট বলা হয়।

অ্যালিউরোপ্রাস্ট (aleuoplast) : প্রোটিন সঞ্চয়কারী লিউকোপ্রাস্টকে অ্যালিউরোপ্রাস্ট বা প্রোটিনোপ্রাস্ট বলা হয়।

কাজ : খাদ্য সঞ্চয় করে রাখা এবং শর্করা থেকে শ্বেতসার জাতীয় খাদ্য তৈরি করা এদের প্রধান কাজ।

(খ) ক্রোমোপ্রাস্ট (Chromoplast) : রঙিন (*chrome* = রঙিন) প্রাস্টিডকে ক্রোমোপ্রাস্ট বলা হয়। ক্যারোটিন (কমলা-লাল) এবং অ্যান্থোক্স্যান্থিন (হলুদ) পিগমেন্টের জন্যে এরা রঙিন হয়। আকৃতিতেও এরা ভিন্নতর। উদ্ভিদের যে সব অঙ্গ বর্ণময় সে সব অঙ্গে ক্রোমোপ্রাস্ট থাকে। যেমন-ফুলের পাপড়ি, রঙিন ফল ও বীজ, গাজরের মূল ইত্যাদি। সর্বত্র ক্রোরোগ্রাস্ট হতে ক্রোমোপ্রাস্ট সৃষ্টি হয়।

কাজ : ক্রোমোপ্রাস্টের উপস্থিতির জন্যে পুষ্প ও পাতা রঙিন ও সুন্দর হয় তাই কীটপতঙ্গ আকৃষ্ট হয়ে পরমাণুর সাহায্য করে। রঙের কারণে ফল এবং বীজের বিস্তারেও এদের ভূমিকা আছে। এদের পুখক খাদ্যমূল্য আছে।

(গ) ক্রোরোগ্রাস্ট (Chloroplast) : সবুজ বর্ণের প্রাস্টিডকে বলা হয় ক্রোরোগ্রাস্ট। ক্রোরোফিল-a, ক্রোরোফিল-b, ক্যারোটিন ও অ্যান্থোক্স্যান্থিনের সমন্বয়ে ক্রোরোগ্রাস্ট গঠিত। ক্রোরোফিল নামক সবুজ বর্ণকণিকা (pigment) অধিক মাত্রায় ধারণ করে বলে এরা সবুজ বর্ণের। এতে অন্যান্য বর্ণকণিকাও কিছু কিছু পরিমাণে বিদ্যমান থাকে। উদ্ভিদের ক্রোরোগ্রাস্ট অত্যন্ত গুরুত্বপূর্ণ অঙ্গ। ১৮৮৩ সালে বিজ্ঞানী শিম্পার সর্বপ্রথম উদ্ভিদ কোষে সবুজ বর্ণের প্রাস্টিড লক্ষ্য

করেন এবং নামকরণ করেন ক্লোরোপ্লাস্ট। ক্লোরোপ্লাস্ট বাহ্যিক সংশ্লেষ সাহায্য করে বলে 'কোষের রান্নাঘর' (kitchen of cell) বা 'শর্করা জাতীয় খাদ্যের কারখানা' (factory of synthesis of sugar) বলে। এটি শক্তি রপ্তানির অঙ্গ।

প্রতি কোষে সংখ্যা : এক হতে একাধিক। উচ্চশ্রেণির উদ্ভিদকোষে সাধারণত ১০ হতে ৪০টি ক্লোরোপ্লাস্ট থাকে। কিন্তু নিম্নশ্রেণির উদ্ভিদকোষে সাধারণত আরও কম থাকে।

আকৃতি : উচ্চশ্রেণির উদ্ভিদকোষে ক্লোরোপ্লাস্টের আকৃতি সাধারণত লেপের মতো হয়ে থাকে। নিম্নশ্রেণির উদ্ভিদকোষে এদের আকৃতি হরেক রকম হতে পারে, যেমন- পেয়ালাকৃতি (*Chlamydomonas*), সর্পিলাকার (*Spirogyra*), জালিকাকার (*Oedogonium*), তারকাকার (*Zygnema*), ফিতা বা আংটি আকৃতির (*Ulothrix*), গোলাকার (*Pithophara*) ইত্যাদি। **শেবালে ক্লোরোপ্লাস্টের বৈচিত্র্য বেশি।**


আকার : লেপ আকৃতির ক্লোরোপ্লাস্টের ব্যাস সাধারণত ৩-৫ মাইক্রন। *Spirogyra* এর সর্পিলাকার ক্লোরোপ্লাস্ট সোজা অবস্থায় কোষের দৈর্ঘ্যের চেয়েও বেশি লম্বা।

উৎপত্তি : নিম্নশ্রেণির উদ্ভিদে পুরাতন ক্লোরোপ্লাস্টের বিভাজনের মাধ্যমে নতুন ক্লোরোপ্লাস্টের উৎপত্তি হয়। উচ্চ শ্রেণির উদ্ভিদে আদি প্রাস্টিড হতে এদের উৎপত্তি হয়। আদি প্রাস্টিড ০.৫ মাইক্রন ব্যাসবিশিষ্ট একটি গোলাকার বস্তু। প্রতিটি আদি প্রাস্টিডে ঘন স্ট্রোমা (ধাতু পদার্থ) একটি দ্বিস্তরবিশিষ্ট আবরণী দ্বারা আবৃত থাকে। সূর্যালোকের উপস্থিতিতে ক্লোরোফিল সৃষ্টির সাথে সাথে আদি প্রাস্টিড পূর্ণাঙ্গ ক্লোরোপ্লাস্টে পরিণত হতে থাকে। আদি প্রাস্টিডের দ্বিস্তরবিশিষ্ট আবরণীর ভেতরের স্তর হতে ফোঁসকা (vesicles) বের হয়ে আনে এবং ধাতু পদার্থে সমান্তরালভাবে সজ্জিত হয়। এ ফোঁসকাগুলো মিলিত হয়ে একটি ল্যামেলাম তৈরি করে। কিছু কিছু স্থানে একাধিক ল্যামেলি গ্রানাম তৈরি করে। কিছু কিছু ল্যামেলি বিভিন্ন গ্রানামের মধ্যে সংযোগ রক্ষা করে। এভাবে আদি প্রাস্টিড হতে সূর্যালোকের উপস্থিতিতে নতুন ক্লোরোপ্লাস্টের সৃষ্টি হয়। **কিছুদিন সূর্যালোক না পেলে ক্লোরোপ্লাস্ট লিউকোপ্লাস্টে পরিণত হয়, তাই সবুজ অংশ বর্ণহীন হয়।**

ক্লোরোপ্লাস্টের গঠন : একটি পরিণত ক্লোরোপ্লাস্ট নিম্নলিখিত অংশগুলো নিয়ে গঠিত। **বৃত্তাকার DNA থাকে।**

১। আবরণী ঝিল্লি : সমস্ত ক্লোরোপ্লাস্ট একটি দুই স্তরবিশিষ্ট আংশিক অনুপ্রবেশ্য (semipermeable) মেমব্রেন (ঝিল্লি) দ্বারা আবৃত থাকে। ক্লোরোপ্লাস্ট মেমব্রেনে ফসফোলিপিড-এর পরিবর্তে **গ্লাইকোসিল গ্লিসারাইড (glycosyl glyceride)** থাকে। এটি একটি ব্যতিক্রমী গঠন।

২। স্ট্রোমা : আবরণী ঝিল্লি দ্বারা আবৃত **পানিগ্রাহী** কলয়েডধর্মী ম্যাট্রিক্স তরলকে স্ট্রোমা (stroma) বলে। স্ট্রোমাতে **70S** রাইবোসোম, অসমোফিলিক দানা, DNA, RNA, ইত্যাদি থাকে। এতে শর্করা তৈরির এনজাইমও থাকে। সালোকসংশ্লেষণে কার্বন বিজারণের মাধ্যমে শর্করা উৎপাদন প্রক্রিয়া **(C<sub>3</sub> বা C<sub>4</sub> চক্র) স্ট্রোমাতে ঘটে থাকে।**




চিত্র ১.১২: ক্লোরোপ্লাস্টের বিভিন্ন অংশ (সরঞ্জাম)।

৩। থাইলাকয়েড ও গ্রানাম : স্ট্রোমাতে অসংখ্য **থলে** আকৃতির 100-300 Å প্রস্থ বিশিষ্ট ত্রিমাত্রিক সজ্জার গঠন বিদ্যমান। এদের **থাইলাকয়েড (thylakoid)** বলে। প্রত্যেকটি থাইলাকয়েডের ভেতরে একটি প্রকোষ্ঠ থাকে। এ প্রকোষ্ঠে থাকে ক্লোরোফিল-a, ক্লোরোফিল-b, জ্যান্থোফিল, ক্যারোটিন, লিপিড ও এনজাইম। এসব বস্তুকে একত্রে **ফটিকাকার দানার মতো দেখায়।** তখন এদের **কোয়ান্টোসোম বলে।** কতগুলো থাইলাকয়েড একসাথে একটির ওপর আর একটি সজ্জিত হয়ে স্তূপের মতো থাকে। **থাইলাকয়েডের এ স্তূপকে গ্রানাম (granum, বহুবচনে গ্রানা) বলা হয়। ১০ থেকে**

২০-২০০

১০০টি থাইলাকয়েড উপর্যুপরি সজ্জিত হয়ে একটি গ্রানাম গঠন করে। প্রতিটি ক্লোরোপ্লাস্টে সাধারণত ৪০-৬০টি থাকে। একটি গ্রানামের আকার ০.৩-১.৭  $\mu\text{m}$  (মাইক্রোমিটার)। গ্রানাম চক্রের ঝিল্লির ভেতরের গায়ে কোয়ান্টোসোম নামক কিছু ফটিকার বস্তু থাকে।

৪। স্ট্রোমা ল্যামেলি : দুটি পাশাপাশি গ্রানাম কিছু সংখ্যক থাইলাকয়েডস্ সূক্ষ্ম নালিকা দ্বারা সংযুক্ত থাকে। এই সংযুক্তকারী নালিকাকে স্ট্রোমা ল্যামেলি (একবচন-ল্যামেলাম) বলে। এদের অভ্যন্তরেও কিছু পরিমাণ ক্লোরোফিল বিদ্যমান থাকে।



চিত্র ১.১৩ : ক্লোরোপ্লাস্ট-গ্রানামের ত্রিমাত্রিক সূক্ষ্ম গঠন।

৫। ফটোসিনথেটিক ইউনিট ও ATP-synthases : থাইলাকয়েড মেমব্রেন বহু গোলাকার বস্তু বহন করে থাইলাকয়েড মেমব্রেনের ভেতরের গায়ে অসংখ্য সালোকসংশ্লেষণকারী একক ও ATP সিঙ্গেসেস নামক বস্তু থাকে। ATP-সিঙ্গেসেস নামক বস্তুতে ATP-তৈরির সকল এনজাইম থাকে। মেমব্রেনগুলোতে অসংখ্য ফটোসিনথেটিক ইউনিট থাকে। প্রতি ইউনিটে ক্লোরোফিল-এ, ক্লোরোফিল-বি, ক্যারোটিন, জ্যান্থোফিল এর প্রায় ৩০০-৪০০টি অণু থাকে। এছাড়া বিভিন্ন ধরনের এনজাইম, মেটাল আয়ন, ফসফোলিপিড, কুইনোন, সালফোলিপিড ইত্যাদি থাকে।

৬। DNA ও রাইবোসোম : একটি ক্লোরোপ্লাস্টের মধ্যে সমান আকৃতির প্রায় ২০০টি DNA অণু থাকতে পারে। ক্লোরোপ্লাস্ট তার নিজস্ব বৃত্তাকার DNA ও রাইবোসোম থাকে। এদের সাহায্যে ক্লোরোপ্লাস্ট নিজের অনুরূপ নৃত (reproduce) ও কিছু প্রয়োজনীয় প্রোটিন তৈরি বা সংশ্লেষ করতে পারে। বিজ্ঞানীদের ধারণা কোনো আদিকোষীয় DNA ও রাইবোসোম এতে অন্তর্ভুক্ত হয়েছে।

রাসায়নিক গঠন : রাসায়নিকভাবে ক্লোরোপ্লাস্ট প্রধানত কার্বোহাইড্রেট, লিপিড, প্রোটিন নিয়ে গঠিত। এছাড়া এতে থাকে ক্লোরোফিল। প্রোটিনের মধ্যে ৮০% হচ্ছে অদ্রবণীয় বা লিপিডের সঙ্গে একত্রে ঝিল্লি নির্মাণ করে। বাকি ২০% দ্রবণীয় এবং এনজাইম হিসেবে থাকে। ক্লোরোপ্লাস্টের রয়েছে ক্লোরোফিল নামক সবুজ বর্ণকণিকা। এর ৭৫% ক্লোরোফিল-এ, ও ২৫% ক্লোরোফিল-বি। এছাড়াও রয়েছে সামান্য ক্যারোটিনয়েড ও নিউক্লিক অ্যাসিড।

ক্লোরোপ্লাস্টের কাজ

- সালোকসংশ্লেষণ প্রক্রিয়ায় শর্করা জাতীয় খাদ্য প্রস্তুত করা ক্লোরোপ্লাস্টের প্রধান কাজ।
- সৌরশক্তিকে জৈবিকশক্তিতে রূপান্তর করা এবং বায়ুর  $\text{CO}_2$  কে কোয়ান্টোসোমে সংবন্ধন করা।
- ক্লোরোপ্লাস্টের প্রয়োজনে প্রোটিন, নিউক্লিক অ্যাসিড তৈরি করা।
- ফটোফসফোরাইলেশন অর্থাৎ সূর্যালোকের সাহায্যে ADP-কে ATP-তে রূপান্তর করা।
- ফটোরেসপিরেশন করা।
- সাইটোপ্লাজমিক ইনহেরিটেন্সে সাহায্য করা।



সাহায্যে যুক্ত থাকে। সেন্ট্রিয়োলের চারপাশে অবস্থিত গাড় তরল পদার্থকে সেন্ট্রোস্ফিয়ার (Centrosphere) বলে। সেন্ট্রোস্ফিয়ার সেন্ট্রিয়োল ধারণ করে। সেন্ট্রোস্ফিয়ার ও সেন্ট্রিয়োলকে একত্রে সেন্ট্রোসোম (Centrosome) বলে। ১৯২৪ সালে Boveri সেন্ট্রোসোম নামকরণ করেন।

রাসায়নিক গঠন : সেন্ট্রিয়োল সাধারণত প্রোটিন, লিপিড ও ATP নিয়ে গঠিত।

সেন্ট্রিয়োলের কাজ : (i) কোষ বিভাজনের সময় মাকুতন্ত্র গঠন করা। (ii) কোষ বিভাজনে সাহায্য করা। (iii) সিলিয়া ও ফ্ল্যাঞ্জেলায়ুক্ত কোষে সিলিয়া ও ফ্ল্যাঞ্জেলা সৃষ্টি করা। (iv) তরঙ্গপূর্ণ লেজ গঠন করা।

### ৮। কোষীয় কঙ্কাল (Cytoskeleton)

সকল প্রকৃত কোষের সাইটোপ্লাজমীয় অঙ্গাণুগুলোর অন্তর্ভুক্তি স্থানে কতগুলো সূত্রক সম্মিলিতভাবে জালিকার গঠন তৈরি করে। এদেরকে কোষীয় কঙ্কাল বা সাইটোস্কেলিটন বলে। বিজ্ঞানী কোল্টজফ (Koltzoff, 1928) সাইটোস্কেলিটন শব্দটি ব্যবহার করেন। সাধারণত প্রোটিন নির্মিত তিন ধরনের সূত্রক সমন্বয়ে কোষীয় কঙ্কাল গঠিত। এগুলো হলো- মাইক্রোটিউবিউলস, মাইক্রোফিলামেন্ট ও ইন্টারমিডিয়েট ফিলামেন্ট। এরা কোষীয় চলনে এবং সেন্ট্রিয়োল সিলিয়া ও ফ্ল্যাঞ্জেলা সৃষ্টিতে অংশগ্রহণ করে।

(১) মাইক্রোটিউবিউলস (Microtubules) : মাইক্রোটিউবিউলস অশাখ, লম্বা ও নলাকার। এরা কোষ বিভাজন, আন্তঃকোষীয় পরিবহন এবং ফ্ল্যাঞ্জেলা ও সিলিয়ার আন্দোলনে ভূমিকা পালন করে। বিজ্ঞানী রবার্ট ও ফ্রাঞ্চি (Robert ও Franchi) ১৯৫৩ সালে প্রাণীর স্নায়ুকোষে মাইক্রোটিউবিউলস আবিষ্কার করেন। বিজ্ঞানী Ledbetter এবং Porter ১৯৫৩ সালে উদ্ভিদ কোষে এদের অবস্থান প্রথম প্রত্যক্ষ করেন।

ভৌত গঠন : প্রতিটি মাইক্রোটিউবিউলস দেখতে লম্বা, শাখাহীন, ফাঁপা টিউব জাতীয়। সাধারণত এদের ব্যাস ১০-২০ মিলিমাউক্রন এবং লম্বায় কয়েক মাইক্রন পর্যন্ত হয়। এদের এক প্রান্তকে '+' এবং অন্য প্রান্তকে '-' হিসেবে চিহ্নিত করা হয়।

রাসায়নিক গঠন : প্রতিটি মাইক্রোটিউবিউলসে ১৩টি প্রোটোটিউবিউল সর্পিলাকারে সজ্জিত থাকে। মাইক্রোটিউবিউলসের প্রতিটি প্রোটোটিউবিউল ডাইমেরিক প্রোটিন দিয়ে গঠিত। এদের প্রতিটি প্রোটিন অণু  $\alpha-\beta$  (আলফা-বীটা) টিউবিউলিন (tubulin) প্রোটিন অণু দিয়ে গঠিত।

অবস্থান : এরা ফ্ল্যাঞ্জেলা, সিলিয়া ইত্যাদির উপ-গাঠনিক উপাদান হিসেবে অবস্থান করে, ক্রোমোসোমের সেন্ট্রোমিয়ারের সাথে সংযুক্ত থাকে, স্পিন্ডল ফাইবারে থাকে, সেন্ট্রিয়োল ও বেসাল বডিতে থাকে।

মাইক্রোটিউবিউলস-এর কাজ :

(i) ফ্ল্যাঞ্জেলা, সিলিয়া ইত্যাদির আন্দোলনে সাহায্য করে।  
(ii) কোষ বিভাজনের সময় মাইটোটিক স্পিন্ডেল তৈরি করে; সেন্ট্রোমিয়ারের সাথে সংযুক্ত হয়ে ক্রোমোসোমকে পৃথক করতে এবং বিপরীত মেরুতে পৌঁছাতে সাহায্য করে।

(iii) মাইক্রোসাইবিলের বিন্যাস নির্দেশ করে। এরা কোষ প্রাচীর গঠনেও সাহায্য করে।

(iv) এরা সাইটোস্কেলিটন বা কোষীয় কঙ্কাল হিসেবে কাজ করে এবং কোষকে দৃঢ়তা প্রদান করে।

(v) সেল মেমব্রেন, নিউক্লিয়ার এনভেলপ ও অন্যান্য অঙ্গাণুর সাথে সংযুক্ত থেকে এদের সাথে যোগাযোগ ও পরিবহন কার্যে সাহায্য করে।



চিত্র ১.১৫ : মাইক্রোটিউবিউলস-এর গঠন ও অবস্থান।

(২) **মাইক্রোফিলামেন্ট (Microfilaments)** : প্রকৃত কোষের সাইটোপ্লাজমে প্রোটিন দিয়ে তৈরি যেসব অতিসূক্ষ্ম সংকোচনশীল তন্তু কোষের চলনে অংশগ্রহণ করে তাদের মাইক্রোফিলামেন্ট বলে। বিজ্ঞানী প্যাভেভিজ (Pavlov, 1974) প্রথম কোষে এদের অবস্থান পর্যবেক্ষণ করেন। এদেরকে **অ্যাকটিন ফিলামেন্ট** (actin filaments) বলা হয়। এগুলো কোষ ঝিল্লির নিচে ফিতার ন্যায় বিন্যস্ত থেকে অবস্থান করে।

গঠন : মাইক্রোফিলামেন্ট সরু, লম্বা, সংকোচনশীল ও প্যাঁচানে দ্বিতন্ত্রী। সাধারণত এদের ব্যাস 30-60Å পর্যন্ত হয়। এরা অ্যাকটিন ও মায়োসিন প্রোটিন দিয়ে গঠিত।

- কাজ : (i) কোষের আকৃতি দান ও যান্ত্রিক দৃঢ়তা প্রদানে অংশগ্রহণ করে।  
 (ii) এরা সাইটোপ্লাজমীয় চলন, ফ্যাগোসাইটোসিস, পিনোসাইটোসিস ইত্যাদি নিয়ন্ত্রণ করে।  
 (iii) এরা কোষের সাইটোকাইনেসিস ঘটিয়ে কোষ বিভাজনে সহায়তা করে।  
 (iv) কোষীয় অঙ্গপূর অবস্থান পরিবর্তনে অংশগ্রহণ করে।  
 (v) এরা ক্রোমোসোমের বিপরীত মেরুতে চলনে সাহায্য করে।

(৩) **ইন্টারমিডিয়েট ফিলামেন্ট (Intermediate filaments)** : এগুলো মাইক্রোটিউবিউলস ও মাইক্রোফিলামেন্টের মধ্যবর্তী এক ধরনের তন্তু। এদের আকৃতি প্রায় 10 nm (ন্যানোমিটার) ব্যাসবিশিষ্ট ফিলামেন্ট। এগুলো প্রোটিন দিয়ে গঠিত। বিভিন্ন কোষে চার ধরনের ইন্টারমিডিয়েট ফিলামেন্ট পাওয়া যায়, যেমন- **কেরাটিন**, **ল্যামিন**, **নিউরোফিলামেন্ট** এবং **ভাইমেন্টিন**।

- কাজ : (i) এরা কোষের আকৃতি দান ও যান্ত্রিক দৃঢ়তা প্রদানে অংশগ্রহণ করে।  
 (ii) কোষের অন্যান্য তন্তুকে যথাস্থানে রাখতে সহায়তা করে।

### ৯। পারঅক্সিসোম (Peroxisome)

পারঅক্সিসোম প্রায় সব ধরনের কোষে দেখা গেলেও প্রাণীর কিডনি ও লিভার কোষে অধিক থাকে। অমসূণ এভোপ্লাজমিক রেটিকুলামের আউটপকেটিং-এর মাধ্যমে এরা তৈরি হয়। এরা এক আবরণী বিশিষ্ট, ব্যাস 0.2-1.9 μm, ভেতরে দানাदार। এর ভেতরে ক্রিস্টাল বা দানার আকারে সঞ্চয়ী এনজাইম জমা থাকে। এর মধ্যে catalase প্রধান এনজাইম। এদেরকে মাইক্রোসোম (microsome) নামেও অভিহিত করা হয়। 1969 সালে বেলজিয়াম সাইটোলজিস্ট Christian de Duve কোষের সাইটোপ্লাজম থেকে পারঅক্সিসোম অঙ্গাণুটি আবিষ্কার করেন। এই এনজাইম 2H<sub>2</sub>O<sub>2</sub> (হাইড্রোজেন পারঅক্সাইড)কে 2H<sub>2</sub>O + O<sub>2</sub> (পানি ও অক্সিজেন)-এ রূপান্তরিত করে H<sub>2</sub>O<sub>2</sub> বিষতুল্য, তাই catalase এনজাইমের সাহায্যে H<sub>2</sub>O<sub>2</sub> কে H<sub>2</sub>O ও O<sub>2</sub> এ রূপান্তর করে কোষকে রক্ষা করে। এছাড়া কোষে অক্সিজেনের ঘনত্ব নিয়ন্ত্রণ করেও এদের কাজ। O<sub>2</sub> প্রয়োজনীয়, কিন্তু অধিক হলে কোষের জন্য ক্ষতিকর। এছাড়া কো-এনজাইম NAD পুনঃউৎপাদনে, DNA এবং RNA এর নাইট্রোজেন ক্ষারসমূহ ভাঙতে (breakdown) এবং পুনঃউৎপাদনে (recycling) পারঅক্সিসোমের ভূমিকা আছে।

### ১০। গ্রাইঅক্সিসোম (Lipoxisome)

বীজের লিপিড সঞ্চয়ী কোষে এদেরকে দেখা যায়। এদের কাজ হলো বীজের অক্সিডোজেনিক লিপিডকে ভেঙে গ্রহণোপযোগী চিনিতে পরিণত করা যাতে করে ফটোসিনথেসিসের মাধ্যমে নিজের খাদ্য তৈরির আগ পর্যন্ত অক্সিডোজেনিক চারার বৃদ্ধি অব্যাহত থাকে। এরাও আবরণী বিশিষ্ট।

### ১১। কোষ গহ্বর (Cell Vacuole)

সাইটোপ্লাজমে দৃশ্যত যে ফাঁকা অংশ দেখা যায় তাই কোষ গহ্বর। অপরিণত কোষে এদের সংখ্যা অনেক থাকে এবং আকারে অত্যন্ত ছোট থাকে। কিন্তু পরিণত উদ্ভিদ কোষে সবগুলো গহ্বর মিলিতভাবে একটি বড় আকৃতির গহ্বর সৃষ্টি করে। প্রোটোপ্লাজম দিয়ে গঠিত যে পাতলা পর্দা এ গহ্বরকে বেষ্টিত করে থাকে তাকে **টনোপ্লাস্ট (tonoplast)** বলে। এ পর্দা **স্বাভাবিক জাতীয়** কোষ গহ্বরের অভ্যন্তরের রসকে **কোষরস** বলে। কোষ রসে পানি, নানা প্রকার অজৈব লবণ, জৈব অ্যাসিড, শর্করা, আমিষ ও চর্বি জাতীয় বিভিন্ন যৌগিক পদার্থ, বিভিন্ন প্রকার রং ইত্যাদি বিদ্যমান থাকে।

কাজ : (i) কোষরস ধারণ করা। (ii) প্রয়োজনীয় বর্জ্য পদার্থ ধারণ করা। (iii) এরা কোষের অভ্যন্তরের pH রক্ষা করে। (iv) এরা কোষের ভেতরের পানির চাপ রক্ষা করে।

## ১.৪ নিউক্লিয়াস (Nucleus)

প্রকৃত কোষে যে অঙ্গাণু দ্বিতরবিশিষ্ট ডবল আবরণী বেষ্টিত অবস্থায় প্রোটোপ্লাজমিক রস ও ক্রোমাটিন জালিকা করে তাই নিউক্লিয়াস। নিউক্লিয়াসকে কোষের মস্তিষ্ক, প্রাণকেন্দ্র, কেন্দ্রিকা ইত্যাদি নামেও অভিহিত করা হয়। রবার্ট ব্রাউন (Robert Brown) ১৮৩১ সালে অর্কিড (রান্না) পত্রকোষে নিউক্লিয়াস আবিষ্কার ও নামকরণ করেন। ল্যাটিন Nut থেকে Nucleus শব্দের উৎপত্তি।

**সংখ্যা ও বিস্তৃতি :** প্রতি কোষে সাধারণত একটি নিউক্লিয়াস থাকে। আদি কোষে কোনো নিউক্লিয়াস থাকে না। সংখ্যক প্রকৃত কোষ, যেমন- নিউ কোষ, মানুষের স্নায়ু কোষ প্রভৃতিতে পরিণত অবস্থায় নিউক্লিয়াস থাকে। অনেক কোষে একাধিক নিউক্লিয়াসও থাকতে পারে, যেমন- *Vaucheria*, *Botrydium*, *Sphaeroplea* ইত্যাদি শৈবক। *Penicillium* সহ কতিপয় ছত্রাক। বহু নিউক্লিয়াস বিশিষ্ট এ ধরনের গঠনকে সিনোসাইট (Coenocyte) বলা হয়।

**আকৃতি :** নিউক্লিয়াস সাধারণত বৃত্তাকার হয়। কোনো কোনো ক্ষেত্রে উপবৃত্তাকার, ফিউজিফরম (মূলাকার), গ্যামাফালার মতো এবং শাখাখিতও হতে পারে।

**অবস্থান :** নিউক্লিয়াস সাধারণত কোষের মাঝখানে অবস্থিত থাকে; কোষ গহবর বড় হলে নিউক্লিয়াসটি কিনারার দিকে অবস্থান করে।

**আকার ও আয়তন :** আকার ও আয়তনে এটি ছোট বড় হতে পারে। গোলাকার নিউক্লিয়াসের ব্যাস সাধারণত ৫-১০ মাইক্রন। সচরাচর এটি কোষের ১০-১৫% স্থান দখল করে থাকতে পারে। স্পার্ম বা শুক্রাণুর প্রায় ৯০%ই নিউক্লিয়াস।


**নিউক্লিয়াসের কাজ :** নিউক্লিয়াস কোষের সব ধরনের জৈবিক কাজ নিয়ন্ত্রণ করে। তাই একে কোষের মস্তিষ্ক, কোষের প্রাণ বা প্রাণকেন্দ্র বলা হয়। এতে ক্রোমোসোম থাকে যার দ্বারা বংশ পরম্পরায় জীবের বৈশিষ্ট্য রক্ষা পায়। এরা RNA প্রোটিন সংশ্লেষণে বিশেষ ভূমিকা পালন করে।

**রাসায়নিক গঠন :** রাসায়নিকভাবে এটি মূলত নিউক্লিক অ্যাসিড ও প্রোটিন দ্বারা গঠিত। এতে থাকে সাধারণত লিপিড, এনজাইম, DNA এবং সামান্য RNA, কিছু পরিমাণ কো-এনজাইম ও অন্যান্য উপাদান।

একটি আদর্শ নিউক্লিয়াসের গঠন


নিম্নলিখিত চারটি অংশ নিয়ে একটি নিউক্লিয়াস গঠিত হয়— (ক) নিউক্লিয়ার এনভেলপ, (খ) নিউক্লিয়োপ্লাজম, (গ) নিউক্লিয়োসোম এবং (ঘ) নিউক্লিয়ার রেটিকুলাম বা ক্রোমাটিন তন্তু।

(ক) নিউক্লিয়ার এনভেলপ (Nuclear envelope) : নিউক্লিয়াস দু'টি দ্বিতরী মেমব্রেন দ্বারা আবৃত স্থান। প্রতিটি মেমব্রেন দ্বিতরী ফসফোলিপিড বাইলেয়ার দ্বারা গঠিত। প্রাজনামেমেব্রেন এবং অধিকাংশ অঙ্গাণুর আবরণী একটি দ্বিতরী মেমব্রেন দ্বারা গঠিত। নিউক্লিয়াসের আবরণীকে নিউক্লিয়ার এনভেলপ বলা হয়। নিউক্লিয়ার এনভেলপে সর্বদাই বিশেষ ধরনের অসংখ্য ছিদ্র থাকে যা অন্যান্য আবরণীতে থাকে না। ছিদ্রের ব্যাস ৯ nm. ছিদ্রের কাছে দু'টি আবরণী এক সাথে মিলিত থাকে। প্রতিটি ছিদ্র সংকোচন-প্রসারণশীল। একটি প্রোটিন নেটওয়ার্ক দ্বারা এর সংকোচন-প্রসারণ নিয়ন্ত্রিত হয়।



চিত্র ১.১৬ : ইলেকট্রন অণুবীক্ষণে দু'টি নিউক্লিয়াস ও এর বিভিন্ন অংশ। ছিদ্রটিকে ঘিরে চারপাশে বৃত্তাকারে প্রোটিন গ্রানিউল থাকে এবং মাঝখানে একটি অপেক্ষাকৃত বড় আকারের প্রোটিন থাকে একে ট্রান্সপোর্টার বলে। অ্যাকের প্রোটিন দ্বারা ট্রান্সপোর্টার নিউক্লিয়ার এনভেলপের সাথে সংযুক্ত থাকে। বৃত্তাকার

প্রোটিনগুলো স্পেসক দ্বারা পরস্পর সংযুক্ত থাকে। প্রোটিন-এ সাবইউনিট ও ফাইবার থাকতে পারে। নিউক্লিয়াসের ভেতরের দিকে একটি ফাইবার খাঁচার মাধ্যমে সবগুলো প্রোটিন একসাথে জুড়ে থাকে। মোট ৮টি প্রোটিন গ্রানিউল দ্বারা ছিদ্রটি নিয়ন্ত্রিত। কেন্দ্রীয় প্রোটিনটি বিভিন্ন দ্রব্য, বিশেষ করে বড় অণু যেমন- RNA; নিউক্লিয়াসের ভেতর থেকে বাইরে এবং বাইর থেকে ভেতরে পরিবহনে প্রধান ভূমিকা পালন করে। কোনো কোনো স্থানে নিউক্লিয়ার এনভেলপের বাইরের আবরণী অন্যকোনো অঙ্গাণুর, বিশেষ করে এন্ডোপ্লাজমিক রেটিকুলামের সাথে সংযুক্ত থাকে।



চিত্র ১.১৭ : নিউক্লিয়ার বন্ধের গঠন।

নিউক্লিয়ার এনভেলপ-এর কাজ : (i) সাইটোপ্লাজম হতে নিউক্লিয়োপ্লাজম, নিউক্লিয়োলাস এবং ক্রোমাটিন জালিকাকে পৃথক করা এবং সংরক্ষণ করা। (ii) অভ্যন্তরীণ দ্রব্য ও বহিস্থ সাইটোপ্লাজমের মধ্যে যোগাযোগ রক্ষা ও পরিবহন করা। (iii) এন্ডোপ্লাজমিক রেটিকুলামের সাথে যুক্ত হয়ে নিউক্লিয়াসের অবস্থানকে দৃঢ় করা। (iv) অভ্যন্তরে উৎপন্ন উপাদান রক্তের মাধ্যমে সাইটোপ্লাজমে পাঠানো।

(খ) নিউক্লিয়োপ্লাজম (Nucleoplasm) : নিউক্লিয়ার এনভেলপ দ্বারা আবৃত স্বচ্ছ, ঘন ও দানাদার তরল পদার্থই নিউক্লিয়োপ্লাজম। একে কারিওলিক-ও বলে। এটি নিউক্লিয়াসের অভ্যন্তরস্থ প্রোটোপ্লাজমিক রস। প্রোটোপ্লাজমের বৈশিষ্ট্যসমূহ এতে বিদ্যমান। নিউক্লিয়োলাস এবং ক্রোমোসোম এতে অবস্থান করে।

নিউক্লিয়োপ্লাজমের কাজ : (i) ক্রোমাটিন জালিকা ধারণ করা, (ii) নিউক্লিয়োলাস ধারণ করা, (iii) নিউক্লিয়াসের বিভিন্ন জৈবনিক কাজে সাহায্য করা, (iv) এনজাইমের কার্যকলাপের মূল ক্ষেত্র হিসেবে কাজ করা।

#### সাইটোপ্লাজম ও নিউক্লিয়োপ্লাজমের মধ্যে পার্থক্য

সাইটোপ্লাজমের মতো নিউক্লিয়োপ্লাজমও রাসায়নিকভাবে অজৈব ও জৈব উপাদান দিয়ে গঠিত। সাইটোপ্লাজমের ন্যায় এটি কলয়ডাল নয়, এটি এমোর্ফাস (amorphous)। এতে প্রোটিন ও নিউক্লিক অ্যাসিডের পরিমাণ অনেক বেশি। এতে আছে ক্ষারীয় প্রোটিন, অম্লীয় প্রোটিন, সেভিমেটেবল প্রোটিন, কো-এনজাইম, অ্যাসিটাইল কো-এ ইত্যাদি। এতে কোনো পিগমেন্ট থাকে না। ক্রোমোসোম গঠনের মৌলিক উপাদান সমৃদ্ধ হলো নিউক্লিয়োপ্লাজম। সাইটোপ্লাজমের অঙ্গাণুসমূহ এখানে অনুপস্থিত।

(গ) নিউক্লিয়োলাস (Nucleolus) : নিউক্লিয়াসে যে ছোট ও অধিকতর ঘন গোলাকার বস্তু দেখা যায় তাই নিউক্লিয়োলাস। বিজ্ঞানী ফন্টানা (Fontana) ১৭৮১ সালে সর্বপ্রথম নিউক্লিয়াসের অভ্যন্তরে এটি দেখতে পান এবং ১৮৪০ সালে বোম্যান (Bowman) এর নামকরণ করেন।

অবস্থান : নিউক্লিয়োসোম সাধারণত নির্দিষ্ট ক্রোমোসোমের একটি নির্দিষ্ট স্থানে লাগানো থাকে। ক্রোমোসোমের স্থানটিতে এটি লাগানো থাকে সে স্থানটিকে বলা হয় SAT বা সেটেলাইট।

সংখ্যা : প্রতি নিউক্লিয়োসোম সাধারণত একটি নিউক্লিয়োসোম থাকে। সাধারণত যে সব কোষে প্রোটিন সংশ্লেষণ হয় সে সব কোষের নিউক্লিয়োসোম নিউক্লিয়োসোম থাকে না। যে সব কোষে প্রোটিন সংশ্লেষণ বেশি পরিমাণ হয় সে সব কোষে নিউক্লিয়োসোম একাধিক নিউক্লিয়োসোম থাকতে পারে।

উৎপত্তি : SAT ক্রোমোসোমের সেটেলাইটে অবস্থিত জিন নিউক্লিয়োসোম উৎপাদনে প্রত্যক্ষ ভূমিকা পালন করে যথেষ্ট প্রমাণ পাওয়া গিয়েছে।

ভৌত গঠন : এর কোনো খিলি আবদ্ধ হয়নি। নিউক্লিয়োসোমকে সাধারণত তন্ত্রময়, দানাদার ও ম্যাট্রিক্স-এ অংশে ভাগ করা যায়।

রাসায়নিক গঠন : নিউক্লিয়োসোমের প্রধান রাসায়নিক উপাদান হলো প্রোটিন, RNA এবং যৎসামান্য DNA।

নিউক্লিয়োসোমের কাজ : (i) বিভিন্ন প্রকার RNA সংশ্লেষণ করা, (ii) প্রোটিন সংশ্লেষণ ও সংরক্ষণ করা,

নিউক্লিয়োসোমের ভাঙার হিসেবে কাজ করা।

(ঘ) নিউক্লিয়ার রেটিকুলাম বা ক্রোমাটিন তন্ত্র (Nuclear reticulum or Chromatin fibre) : কোষের কিছু অবস্থায় (অ-বিভাজন অবস্থায়) নিউক্লিয়োসোমের ভেতরে জালিকার আকারে কিছু তন্ত্র দেখা যায়। তন্ত্রঘটিত এই জালিকার নিউক্লিয়ার রেটিকুলাম বা ক্রোমাটিন তন্ত্র বলা হয়। নিউক্লিয়োসোমের বিভাজনরত অবস্থায় বা পর্যায় মধ্যক অবস্থায় যে তন্ত্র বা বস্তুর ফুলজিন রং নেয় সেই বস্তুকে বলা হয় ক্রোমাটিন। প্রকৃতপক্ষে DNA এবং এর সাথে সাথী প্রোটিনের মিলিত তন্ত্র ক্রোমাটিন। কোষ বিভাজন অবস্থায় ক্রোমাটিন তন্ত্র ক্রমাগত কুণ্ডলিত হয়ে অপেক্ষাকৃত খাটো ও মোটা হয়ে পূর্ণ পৃথকভাবে সুনির্দিষ্ট সংখ্যা ও আকৃতিতে দৃশ্যমান হয় তখন এদেরকে ক্রোমোসোম বলা হয়। প্রত্যেক নিউক্লিয়োসোম সাধারণত প্রজাতির বৈশিষ্ট্য অনুসারে নির্দিষ্ট সংখ্যক ক্রোমোসোম থাকে। সাধারণ অণুবীক্ষণ যন্ত্রের সাহায্যে কেবলমাত্র বিভাজনরত কোষেই বিশেষ রঙিন পদ্ধতিতে এদেরকে দেখা যায়। প্রতিটি ক্রোমোসোমে এক বা একাধিক সেটেলাইট থাকে। দু'টি ক্রোমাটিন এবং কোনো কোনো ক্রোমোসোমে সেটেলাইট থাকে। ক্রোমোসোমে জিন অবস্থিত এবং জিনগুলোর প্রজাতির চারিত্রিক বৈশিষ্ট্য প্রকাশের জন্য দায়ী।

ক্রোমোসোমের রাসায়নিক গঠন : রাসায়নিকভাবে প্রতিটি ক্রোমোসোম DNA, RNA, হিস্টোন ও নন-হিস্টোন প্রোটিন দিয়ে গঠিত; এ ছাড়া কিছু ক্যালসিয়াম এবং ম্যাগনেসিয়াম ধাতু আছে। কতগুলো নিউক্লিয়োসোমের সমন্বয়ে একটি DNA অণু গঠিত।

নিউক্লিয়ার রেটিকুলামের কাজ : (i) বংশগতির বৈশিষ্ট্যের ধারণ ও বাহন হিসেবে কাজ করা, (ii) মিউটে이션, প্রকরণ সৃষ্টি ইত্যাদি কাজেও মুখ্য ভূমিকা পালন করা।

কাজ : পোস্টার পেপারে বড় করে একটি নিউক্লিয়োসোমের চিত্র আঁকতে হবে এবং বিভিন্ন অংশ চিহ্নিত করতে হবে। এবার নিউক্লিয়ার ও নিউক্লিয়োসোমের মধ্যকার পার্থক্য একটি ছকে উপস্থাপন করতে হবে।

উপকরণ : পোস্টার-পেপার, পেনসিল, রং পেনসিল, তেল, ইত্যাদি।

কোষস্থ নির্জীব বস্তু (Ergastic substances) : কোষীয় বিপাক ক্রিয়ায় সৃষ্ট বহু নির্জীব বস্তু কোষের সাইটোপ্রাজম এবং কোষ গহ্বরে জমা হয়। নির্জীব বস্তুগুলো দ্রবীভূত অবস্থায়, ক্রিস্টাল হিসেবে, ফোঁটা বা দানাদার বস্তু হিসেবে অবস্থান করতে পারে। নির্জীব বস্তুগুলোকে প্রধানত তিন শ্রেণিতে ভাগ করা যায় : (ক) সঞ্চিত পদার্থ, (খ) নিরসৃত পদার্থ এবং (গ) বর্জ্য পদার্থ।

(ক) সঞ্চিত পদার্থ (Reserve materials) : প্রধান প্রধান সঞ্চিত পদার্থগুলো হলো-শর্করা (কার্বোহাইড্রেট), অম্লি (প্রোটিন) এবং চর্বি (লিপিড)। দ্রবণীয় শর্করার মধ্যে থাকে গ্লুকোজ, চিনি, ইনুলিন। অদ্রবণীয় শর্করার মধ্যে থাকে

স্টার্চয়েইন (খেতসার দানা), সেলুলোজ এবং গ্লাইকোজেন **তৈল এবং চর্বি** সাধারণত ফোঁটা ফোঁটা হিসেবে সাইটোপ্লাজমে বিরাজ করে। আমিষ তথা নাইট্রোজেনযুক্ত সঞ্চিত পদার্থগুলো তরল এবং নিরেট উভয় অবস্থায় বিরাজ করে। সঞ্চিত পদার্থের অধিকাংশই সঞ্চিত খাদ্য হিসেবে বিরাজ করে।

(খ) নিঃসৃত পদার্থ (Secretory products) : প্রধান প্রধান নিঃসৃত পদার্থ হলো **পিগমেন্ট, এনজাইম, হরমোন** এবং **নেকটার**। **ক্রোরোফিল, এনথোসায়ানিন, ক্যারোটিনয়েড** ইত্যাদি উল্লেখযোগ্য পিগমেন্ট। **PEN**

(গ) বর্জ্য পদার্থ (Excretory products) : বর্জ্য পদার্থসমূহ অধিকাংশই প্রোটোপ্লাজমের মেটাবলিক কার্য প্রক্রিয়ায় উপজাত হিসেবে উৎপন্ন হয়। উদ্ভিদে বর্জ্য পদার্থ নির্গমনের পৃথক তন্ত্র না থাকায় এরা কোষে জমা হয়। উল্লেখযোগ্য বর্জ্য পদার্থসমূহ হলো **রেজিন, ট্যানিন, গাম, প্যাটেক্স, অ্যালকালয়েড, অর্গানিক অ্যাসিড, উষ্মীয় তেল** এবং **খনিজ ক্রিস্টাল**। প্রধান খনিজ ক্রিস্টাল হলো **ক্যালসিয়াম অক্সালেট**। কখনো এরা সূঁচের মতো আকারে অবস্থান করে। তখন একে বলা হয় **সায়ফাইড**। অঙ্গুরের থোকর মতো ক্যালসিয়াম কার্বনেটের ক্রিস্টালকে বলা হয় **সিস্টোলিথ** (cystolith)।

কাজ : চার্ট তৈরি-সাইটোপ্লাজমের অঙ্গাণুগুলোর নাম, গঠন ও কাজ। উপকরণ : পোস্টার পেপার, রংপেন্সিল, ইরেজার ইত্যাদি। একটি বড় পোস্টার পেপারে একটি ছক কেটে বামপাশে অঙ্গাণুগুলোর নাম ও সংশ্লিষ্ট চিত্র, মাঝখানের ঘরে এদের গঠন এবং ডানপাশের ঘরে এদের কাজ লিখে একটি ছক তৈরি করতে হবে। ছকটি পাঠকক্ষে বা শ্রেণিকক্ষে বুলাতে হবে।

জীবের বিভিন্ন কার্যক্রমে কোষের অবদান : জীবের গঠন ও কার্যের একক হলো কোষ। জীবদেহের সকল কার্যক্রম কোষভিত্তিক। গ্লাইকোলাইসিস, শ্বসন, ফটোসিনথেসিস, কোষ বিভাজন ও বৃদ্ধি, প্রোটিন সিনথেসিস, এনজাইম তৈরি ইত্যাদি প্রক্রিয়ার রাসায়নিক বিক্রিয়াসমূহ সবই কোষের সাইটোপ্লাজম বা অঙ্গাণুগুলোতে সংঘটিত হয়। জীবের সকল কার্যক্রমের আধার হলো কোষ।

### ক্রোমোসোম (Chromosome)

ক্রোমোসোম নিউক্লিয়াসের অন্যতম বস্তু। প্রত্যেক নিউক্লিয়াসে প্রজাতির বৈশিষ্ট্য অনুসারে সাধারণত একটি নির্দিষ্ট সংখ্যক ক্রোমোসোম থাকে। সাধারণত একই প্রজাতির বিভিন্ন নমুনায় ক্রোমোসোম সংখ্যা একই থাকে। আদি কোষে কোনো সুগঠিত নিউক্লিয়াস না থাকতে তাতে কোনো সুগঠিত ক্রোমোসোম থাকে না। তবে ক্রোমোসোমের প্রধান উপাদান DNA (কতক ডাইরাসে RNA) বিদ্যমান থাকে। এদেরকে আদিক্রোমোসোম (prochromosome) বলা হয়। আলোক অণুবীক্ষণ যন্ত্রে বিভাজনরত কোষে ক্রোমোসোম দেখা যায়। এ জন্য সাধারণত বিশেষ রঞ্জক দ্রব্য ব্যবহার করা হয়।

— কোষস্থ নিউক্লিয়াসের মধ্যে অবস্থিত অনুলিপন ক্ষমতাসম্পন্ন, রং ধারণকারী এবং নিউক্লিয়োপ্রোটিন দ্বারা গঠিত যে সব সূত্রাকৃতির ক্ষুদ্রাঙ্গ **বংশগতীয় উপাদান, মিউটেশন, প্রকরণ** প্রভৃতি কাজে ভূমিকা পালন করে তাদেরকে ক্রোমোসোম বলে। ক্রোমোসোম কখনো কখনো নিউক্লিয়াসের বাইরে সাইটোপ্লাজমেও থাকতে পারে।

আবিষ্কার : **Karl Nagli** (1842) সর্বপ্রথম উদ্ভিদ কোষের নিউক্লিয়াসে ক্রোমোসোম প্রত্যক্ষ করেন। **E. Strasburger** (1875) কোষ বিভাজনের সময় সূত্র মতো কিছু গঠন লক্ষ্য করেন। **Walter Flemming** (1888) এসব সূত্র মতো গঠনগুলোকে ক্রোমাটিন (chromatin) নামকরণ করেন। বর্ণধারণ ক্ষমতার জন্য **W. Waldeyer** (1888) এদের ক্রোমোসোম নামকরণ করেন। গ্রিক *Chroma* অর্থ colour (বর্ণ) এবং *soma* অর্থ body (দেহ)। কাজেই ক্রোমোসোম অর্থ হলো 'রঞ্জিত দেহ' বা 'রং ধারণকারী দেহ'। কারণ এরা কতগুলো বেসিক রং ধারণ করতে পারে। **Sutton ও Boveri** (1902) ক্রোমোসোমকে বংশগতীয় বৈশিষ্ট্যের বাহক ও ধারক হিসেবে বর্ণনা করেন। **Theophilus Painter** (1921) সর্বপ্রথম মানুষের ক্রোমোসোম সংখ্যা প্রকাশ করেন।

সংখ্যা : প্রজাতির বৈশিষ্ট্যভেদে এর সংখ্যা ২ হতে ১৬০০ পর্যন্ত হতে পারে। **কর্কটগীর উদ্ভিদে সর্বোচ্চ সংখ্যক ক্রোমোসোম পাওয়া গিয়েছে *Ophioglossum reticulatum* ১২০০।** পুষ্পক উদ্ভিদে সর্বনিম্ন সংখ্যক ক্রোমোসোম পাওয়া

শিয়েছে *Haplopappus gracilis*,  $2n = 4$  এবং সর্বাধিক সংখ্যক *Poa littarosa*,  $2n = 506 - 530$ । প্রাণীতে সর্বাধিক ২, (গোলকুমি = *Ascaris megalocephalus* sub. sp. univalens) এবং সর্বাধিক  $2n = 1600$  (রেডিওলারিয়া) প্রোটোজোয়া = *Aulacantha* sp. এ। এখানে উল্লেখযোগ্য যে, এখনো সমস্ত জীবজগতের ১০ ভাগও ক্রোমোসোম গণনা করা হয়নি। উচ্চতর জীবে সাধারণত প্রতি দেহকোষে ক্রোমোসোম সংখ্যা ২ হতে ৮০-এর মধ্যে থাকে।

নিচে কয়েকটি উদ্ভিদ এবং প্রাণীর ডিপ্লয়েড ( $2n$ ) ক্রোমোসোম সংখ্যা উল্লেখ করা হলো—

উদ্ভিদের নাম	বৈজ্ঞানিক নাম	ক্রোমোসোম সংখ্যা ( $2n$ )	প্রাণীর নাম	বৈজ্ঞানিক নাম	ক্রোমোসোম সংখ্যা ( $2n$ )
ধান	<i>Oryza sativa</i>	24 ✓	মানুষ	<i>Homo sapiens</i>	46
গম	<i>Triticum aestivum</i>	42 ✓	গরু	<i>Bos indica</i>	60
ভুট্টা	<i>Zea mays</i>	20	ছাগল	<i>Capra hircus</i>	60
পিঁয়াজ	<i>Allium cepa</i>	16 ✓	কবুতর	<i>Columba livia</i>	80
শসা	<i>Cucumis sativus</i>	14 ✓	সোনাঝাড়	<i>Rana pipiens</i>	26
গোল আলু	<i>Solanum tuberosum</i>	48 ✓	খরগোশ	<i>Oryctolagus cuniculus</i>	44
টমেটো	<i>Lycopersicon esculentum</i>	24 ✓	গরিলা	<i>Gorilla gorilla</i>	48 ✓
তামাক	<i>Nicotiana tabacum</i>	28	গিনিপিপ	<i>Cavia porcellus</i>	64
পেঁপে	<i>Carica papaya</i>	18	গৃহমাছি	<i>Musca domestica</i>	12
বাঁধাকপি	<i>Brassica oleracea</i>	18	ফলের মাছি	<i>Drosophila melanogaster</i>	08
গাট	<i>Corchorus capsularis</i>	14	কিউলেঙ্গ মশা	<i>Culex pipiens</i>	06
মুলা	<i>Raphanus sativus</i>	18	গোলকুমি	<i>Ascaris megalocephalus</i>	2 ✓
জিনাবাদাম	<i>Arachis hypogaea</i>	40	বেশম পোকা	<i>Bombyx mori</i>	46

আয়তন ও আকৃতি : সাধারণত প্রতিটি প্রজাতির জীবে ক্রোমোসোমের একটি সুনির্দিষ্ট আয়তন থাকে। প্রকার অনুসারে ক্রোমোসোমের দৈর্ঘ্য সাধারণত ৩.৫-৩০ মাইক্রোমিটার এবং ব্যাস ০.২-২.০ মাইক্রোমিটার হয়ে থাকে। মানবদেহের ক্রোমোসোমের গড় দৈর্ঘ্য ৪-৬ মাইক্রোমিটার। *Drosophila* মাছির ৩ মাইক্রোমিটার ও ভুট্টার ৮-১২ মাইক্রোমিটার।

অবস্থান : নিউক্লিয়াসে।

### ক্রোমোসোমের ভৌত গঠন

কোষে স্বাভাবিক অবস্থায় ক্রোমোসোম পৃথকভাবে দৃষ্টিগোচর হয় না। কোষ বিভাজনের মেটাফেজ দশায় এগুলো অত্যন্ত সুগঠিত থাকে এবং পৃথকভাবে দৃষ্টিগোচর হয়। জটিল (যৌগিক) অণুবীক্ষণ যন্ত্রের সাহায্যে ক্রোমোসোমের নিম্নলিখিত অংশগুলো লক্ষ্য করা যায়।

১। ক্রোমাটিন (Chromatin) : ক্রোমোসোমের মূল উপাদান হলো ক্রোমাটিন (রঞ্জিত সূত্রাকার দেহ) যা প্রকৃতপক্ষে DNA প্রোটিন যৌগ। প্রাথমিকভাবে নিউক্লিয়োপ্রোটিন যৌগের সূত্রটি 11 nm পুরু যা ক্রমাগত কুণ্ডলী পাকিয়ে 30 nm-300 nm এবং শেষ পর্যায়ে 700 nm পুরু ক্রোমাটিনে পরিণত হয় (মানুষের একটি ক্রোমোসোমে DNA ১০,০০০ গুণ খাটো হতে দেখা যায়)। হিস্টোন প্রোটিনের সাথে সংযুক্ত অবস্থায় DNAকে বলা হয় নিউক্লিয়োসোম। Heitz (1928) ক্রোমাটিন তত্ত্বকে দু'ভাগে ভাগ করেন। যথা-হেটেরোক্রোমাটিন ও ইউক্রোমাটিন।

ইন্টারফেজ ও প্রোকেন্দ্র পর্যায়ে ক্রোমাটিনের যে অংশ অধিক কুণ্ডলিত থাকে তাকে হেটেরোক্রোমাটিন বলে। এই অংশে বংশানুসৃত্তিতে অপেক্ষাকৃত নিষ্ক্রিয় থাকে। mRNA সংশ্লেষণে অংশগ্রহণ করে না। ক্রোমাটিনের যে অংশ

কুল্লিত থাকে সেই অংশকে ইউক্রোমাটিন বলা হয়। এই অংশ বংশানুশ্ৰুতিতে সক্রিয় থাকে। এটি ক্রোমোসোমের বিস্তৃত অংশ এবং mRNA সংশ্লেষণে অংশগ্রহণ করে।

২। ক্রোমাটিড (Chromatid) : মাইটোসিস কোষ বিভাজনের প্রোফেজ পর্যায়ের ক্রোমোসোম প্রথম দৃষ্টিগোচর হয় এবং মেটাফেজ পর্যায়ের ক্রোমোসোমকে লম্বালম্বিভাবে দুটি অংশে বিভক্ত দেখা যায় যার প্রতিটির নাম ক্রোমাটিড। প্রতিটি ক্রোমোসোমে সমান ও সমান্তরাল এক জোড়া ক্রোমাটিড থাকে। এরা সাধারণত সিস্টার ক্রোমাটিড নামে পরিচিত। আধুনিক ধারণা অনুযায়ী ক্রোমাটিড একটি একক DNA অণু দ্বারা গঠিত। বিজ্ঞানী Vejdovsky (1921) এদের ক্রোমোনেমাটা (একবচন-ক্রোমোনেমা) নামে অভিহিত করেছেন।

৩। সেন্ট্রোমিয়ার (Centromere) : প্রতিটি ক্রোমোসোমে একটি অরঞ্জিত অঞ্চল থাকে। ক্রোমাটিডের এই অরঞ্জিত অঞ্চলকে বলা হয় সেন্ট্রোমিয়ার। সিস্টারক্রোমাটিড সেন্ট্রোমিয়ার অঞ্চলে অত্যন্ত দৃঢ়ভাবে সংযুক্ত থাকে। সেন্ট্রোমিয়ারের অবস্থানটি ক্রোমোসোমে একটি খাঁজ-এর সৃষ্টি করে। এই খাঁজকে বলা হয় মুখ্যকুঞ্চন বা Primary constriction। আদর্শ ক্রোমোসোমে একটিমাত্র সেন্ট্রোমিয়ার থাকে। অস্বাভাবিক অবস্থায় একটি ক্রোমোসোমে ২টি বা অধিক সেন্ট্রোমিয়ার থাকতে পারে, আবার একটিও না থাকতে পারে।


৪। বাহ (Arm) : সেন্ট্রোমিয়ার-এর দুপাশের ক্রোমোসোমাল অংশকে বাহ বলা হয়। প্রতিটি ক্রোমোসোমের দুটি বাহ থাকে। বাহ দুটি সমান দৈর্ঘ্যবিশিষ্ট বা অসম দৈর্ঘ্যবিশিষ্ট হতে পারে। ক্রোমোসোমে সেন্ট্রোমিয়ারের অবস্থান অনুযায়ী বাহ দুটির দৈর্ঘ্য নির্দিষ্ট হয়।

\* ৫। কাইনেটোকোর (Kinetochore) : প্রতিটি সেন্ট্রোমিয়ারে একটি ছোট গাঠনিক অবকাঠামো থাকে যাকে কাইনেটোকোর বলে। কাইনেটোকোর-এ মাইক্রোটিউবিউল সংযুক্ত হয়।

৬। ক্রোমোমিয়ার (Chromomere) : মায়েটিক প্রোফেজ-এর সূচনাগণ্ডে ক্রোমোসোমের দেহে বেসব ক্ষুদ্র ক্ষুদ্র গুটিকা দেখা যায় সেগুলো ক্রোমোমিয়ার নামে পরিচিত। মায়েটিক প্রোফেজের প্যাকাইটিন উপদশায় ক্রোমোমিয়ারের সংখ্যা ও অবস্থান স্পষ্ট দেখা যায়।

৭। গৌণকুঞ্চন (Secondary constriction) : সেন্ট্রোমিয়ার নামক মুখ্যকুঞ্চন ছাড়াও কোনো কোনো ক্রোমোসোমের বাহতে এক বা একাধিক গৌণকুঞ্চন থাকতে পারে। গৌণকুঞ্চনকে নিউক্লিয়োলাস পুনর্গঠন অঞ্চল নামেও অভিহিত করা হয়।

৮। স্যাটেলাইট (Satellite) : কোনো কোনো ক্রোমোসোমের এক বাহুর প্রান্তে ক্রোমাটিন সূত্র দ্বারা সংযুক্ত প্রায় গোলাকৃতির একটি অংশ দেখা যায়। ক্রোমোসোমের প্রান্তের দিকের এ গোলাকৃতি অঞ্চলকে স্যাটেলাইট এবং এ ধরনের ক্রোমোসোমকে 'স্যাট ক্রোমোসোম' (sat chromosome) বলে। অন্যভাবে নিউক্লিয়োলাস বহনকারী ক্রোমোসোমকে স্যাট



চিত্র ১.১৮ : ক্রোমোসোমের বিস্তারিত গঠন।

ক্রোমোসোম বলে। তুলা, পাট, ছোলা ইত্যাদি উদ্ভিদে কোনো কোনো ক্রোমোসোমে স্যাটেলাইট আছে।  
ক্রোমোসোমে স্যাটেলাইট থাকে।

৯। টেলোমিয়ার (Telomere) : বিজ্ঞানী এইচ. জে. মুলার (H.J. Muller)-এর মতে ক্রোমোসোমের উভয় প্রান্তের বিশেষ বৈশিষ্ট্যপূর্ণ অঞ্চলকে টেলোমিয়ার বলে। অধিক বয়সে মানুষের জরা রোধে টেলোমিয়ার বিশেষ ভূমিকা রাখে বলে ধারণা করা হয়। টেলোমারেজ এনজাইম মানুষের জরা রোধে কাজ করে।

১০। ম্যাট্রিক্স (Matrix) : ক্রোমাটিন সূত্রের চারদিকে পেলিকল দ্বারা আবৃত প্রোটিন ও RNA পদার্থের স্তরকে ম্যাট্রিক্স বা মাতৃকা বলে। কোষ বিভাজন পর্যায়ে ম্যাট্রিক্স দ্রবীভূত হয়ে যায়। তবে আধুনিক গবেষণায় ইলেকট্রন অনুবীক্ষণ যন্ত্রে ম্যাট্রিক্স এর অস্তিত্ব প্রমাণিত হয়নি।

১১। পেলিকল (Pelicle) : ম্যাট্রিক্সসহ ক্রোমোসোমের বাইরে একটি পাতলা আবরণী কল্পনা করা হয়। একে পেলিকল বলে। আধুনিক গবেষণায় ইলেকট্রন অনুবীক্ষণ যন্ত্রে পেলিকলের অস্তিত্ব প্রমাণিত হয়নি। তবে ম্যাক ক্রিনটন, সোয়ানসন প্রমুখ কোষ বিজ্ঞানী ক্রোমোসোমে পেলিকলের কথা উল্লেখ করেন। কিন্তু ডার্লিংটন, নভিকফ, রিস প্রমুখ বিজ্ঞানী পেলিকলের অস্তিত্ব অস্বীকার করেন।


#### ক্রোমোসোমের প্রকারভেদ (Types of Chromosome)

(ক) সেন্ট্রোমিয়ারের সংখ্যা অনুযায়ী ক্রোমোসোম নিম্নলিখিত পাঁচ প্রকার; যথা—

- মনোসেন্ট্রিক (Monocentric) : এক সেন্ট্রোমিয়ার বিশিষ্ট ক্রোমোসোমকে মনোসেন্ট্রিক ক্রোমোসোম বলে। অধিকাংশ প্রজাতিতে মনোসেন্ট্রিক ক্রোমোসোম দেখা যায়।
- ডাইসেন্ট্রিক (Dicentric) : দুই সেন্ট্রোমিয়ার বিশিষ্ট ক্রোমোসোমকে ডাইসেন্ট্রিক ক্রোমোসোম বলে। কয়েকটি প্রজাতিতে ডাইসেন্ট্রিক ক্রোমোসোম দেখা যায়।
- পলিসেন্ট্রিক (Polycentric) : দুই এর অধিক সেন্ট্রোমিয়ার বিশিষ্ট ক্রোমোসোমকে পলিসেন্ট্রিক ক্রোমোসোম বলে। কলা গাছের (*Musa sp*) কয়েকটি প্রজাতিতে পলিসেন্ট্রিক ক্রোমোসোম দেখা যায়।
- ডিফিউজড (Diffused) : ক্রোমোসোমের সুনির্দিষ্ট স্থানে সুস্পষ্টভাবে কোনো সেন্ট্রোমিয়ার থাকে না।
- অসেন্ট্রিক (Acentric) : এক্ষেত্রে ক্রোমোসোমের কোনো সেন্ট্রোমিয়ার থাকে না। তখন তাকে অসেন্ট্রিক ক্রোমোসোম বলে। কোষ বিভাজনে এরা অংশগ্রহণ করে না। সদ্য ভঙ্গুরকৃত কোনো ক্রোমোসোমের অংশবিশেষ এ ধরনের হয়।

(খ) সেন্ট্রোমিয়ারের অবস্থান অনুযায়ী ক্রোমোসোম নিম্নলিখিত চার আকৃতির হয়, যথা—

(i) মধ্যকেন্দ্রিক বা মেটাসেন্ট্রিক ক্রোমোসোম (Metacentric) : যে ক্রোমোসোমের সেন্ট্রোমিয়ারটি একেবারে মাঝখানে অবস্থিত তাকে মধ্যকেন্দ্রিক বা মেটাসেন্ট্রিক ক্রোমোসোম বলে। মধ্যকেন্দ্রিক ক্রোমোসোমের দুই বাহু সমান বিশিষ্ট হয় এবং আনাকেন্দ্র পর্যায়ে এর আকৃতি ইংরেজি 'V' অক্ষরের মতো দেখায় *Solanum nigrum* এর সর্বাঙ্গ ক্রোমোসোমই মধ্যকেন্দ্রিক। মধ্যকেন্দ্রিক আদি বৈশিষ্ট্য।




চিত্র ১.১৯ : ক্রোমোসোমের স্থূল গঠন

(ii) উপ-মধ্যকেন্দ্রিক বা সাব-মেটাসেন্ট্রিক ক্রোমোসোম (Submetacentric) : যে ক্রোমোসোমের সেন্ট্রোমিয়ারটি মধ্যখান থেকে একটু এক পাশে অবস্থিত তাকে উপ-মধ্যকেন্দ্রিক বা সাব-মেটাসেন্ট্রিক ক্রোমোসোম বলে। উপ-মধ্যকেন্দ্রিক ক্রোমোসোমের দুই বাহু সামান্য অসম দৈর্ঘ্যবিশিষ্ট হয় এবং অ্যানাফেজ পর্যায়ে এর আকৃতি অনেকটা ইংরেজি 'L' অক্ষরের মতো দেখায়।

(iii) উপ-প্রান্তকেন্দ্রিক বা এক্রোসেন্ট্রিক ক্রোমোসোম (Acrocentric) : যে ক্রোমোসোমের সেন্ট্রোমিয়ারটি কোনো এক প্রান্তের কাছাকাছি অবস্থিত তাকে উপ-প্রান্তকেন্দ্রিক বা এক্রোসেন্ট্রিক ক্রোমোসোম বলে। উপ-প্রান্তকেন্দ্রিক ক্রোমোসোমের এক বাহু অনেক লম্বা এবং অপর বাহু বেশ খাটো থাকে। অ্যানাফেজ পর্যায়ে এর আকৃতি অনেকটা ইংরেজি 'J' অক্ষরের মতো দেখায়। একই উদ্ভিদ প্রজাতিতে একাধিক প্রকার ক্রোমোসোম থাকতে পারে; যেমন- *Typhonium*

*trilobatum* (খেটকচু) এর গাঢ় পাপল প্রকরণে (১১টি) মধ্যকেন্দ্রিক, (৪টি) উপ-মধ্যকেন্দ্রিক এবং (২টি) উপ-প্রান্তকেন্দ্রিক। এটি একটি মনোসোমিক উদ্ভিদ।



চিত্র ১.২০ : সেন্ট্রোমিয়ারের অবস্থান অনুযায়ী বিভিন্ন আকৃতির ক্রোমোসোম।

(iv) প্রান্তকেন্দ্রিক বা টেলোসেন্ট্রিক ক্রোমোসোম (Telocentric) : যে ক্রোমোসোমের সেন্ট্রোমিয়ারটি একেবারে প্রান্তভাগে অবস্থিত তাকে প্রান্তকেন্দ্রিক বা টেলোসেন্ট্রিক ক্রোমোসোম বলে। প্রান্তকেন্দ্রিক ক্রোমোসোমকে এক বাহু বিশিষ্ট মনে হয়। অ্যানাফেজ পর্যায়ে এর আকৃতি অনেকটা ইংরেজি 'I' অক্ষরের মতো বা একটি দণ্ডের মতো দেখায়। উদ্ভিদে সাধারণত প্রান্তকেন্দ্রিক ক্রোমোসোম থাকে না।

(গ) দেহ গঠন ও লিঙ্গ নির্ধারণের বৈশিষ্ট্য অনুযায়ী ক্রোমোসোম দু'ধরনের হয়, যথা-

১। অটোসোম (Autosome) : যেসব ক্রোমোসোম দৈহিক বৈশিষ্ট্য নিয়ন্ত্রণকারী জিন বহন করে তাদেরকে অটোসোম বলে। অটোসোমের সেটকে A চিহ্ন দ্বারা প্রকাশ করা হয়। মানুষে ২৩ জোড়া ক্রোমোসোমের মধ্যে ২২ জোড়া অটোসোম।

২। সেক্স ক্রোমোসোম (Sex chromosome) : সেক্স ক্রোমোসোম জীবের লিঙ্গ নির্ধারণ করে। সেক্স ক্রোমোসোম দু'প্রকার; যথা- X ও Y। মানুষের একজোড়া সেক্স ক্রোমোসোম থাকে। স্ত্রীদেহে দুটি সেক্স ক্রোমোসোম এক প্রকার (XX) এবং পুরুষ দেহে সেক্স ক্রোমোসোম দুটি ভিন্ন ধরনের (XY) হয়।

ক্রোমোসোমের রাসায়নিক গঠন বা উপাদান : ক্রোমোসোমের রাসায়নিক গঠন বেশ জটিল। ক্রোমোসোমের প্রধান রাসায়নিক উপাদান হলো : (১) নিউক্লিক অ্যাসিড ও (২) প্রোটিন।

(১) নিউক্লিক অ্যাসিড : ক্রোমোসোমে দু'ধরনের নিউক্লিক অ্যাসিড পাওয়া যায়; যথা : (i) DNA ও (ii) RNA।

(i) DNA : DNA এর পুরো নাম Deoxyribo Nucleic Acid। DNA হলো প্রকৃত ক্রোমোসোমের স্থায়ী উপাদান। ক্রোমোসোমের বিভিন্ন উপাদানের মধ্যে এর পরিমাণ হচ্ছে শতকরা প্রায় ৪৫ ভাগ। এটি দ্বিসূত্রবিশিষ্ট পলি নিউক্লিওটাইডের সর্পিলাকার গঠন। একটি সূত্র অন্যটির পরিপূরক। এতে পাঁচ কার্বনবিশিষ্ট পেটোজ শর্করা, অজৈব ফসফেট, নাইট্রোজেনযুক্ত ক্ষারক (অ্যাডিনিন, গুয়ানিন, থায়ামিন ও সাইটোসিন) থাকে। বিজ্ঞানী সুইকট (১৯৬৪) এবং বোনার (১৯৬৮)-এর মতে ক্রোমোসোমে DNA ও হিস্টোন প্রোটিনের অনুপাত হচ্ছে ১:১। জীবের প্রায় ৯০ ভাগ

DNA ক্রোমোসোমে থাকে।